





抄





尚友錄卷二十

閩綏安 廖用賢 賓于編纂

楚晴川 張伯琮 鶴湄補輯

男 張坦讓 遜菴叅訂

孫 張任鄭 若虔 校正

張任郎 夢選

祝 太原商音周武王封黃帝之後于祝因  
氏又祝史之後以官爲氏又望出河南



祝夜郎

漢武帝時中郎將唐蒙通西域入夜郎以爲犍爲郡初有浣女見三節竹流入足間中有

聲剖得兒及長

自爲夜郎侯

祝

諫

宋慶歷中上臨軒賜進士第諫三男二壻俱同登

祝

確

宋字永叔歙人朱熹外祖淳厚孝謹親喪廬墓一兄一弟先後死熙河不憚萬里徒步以

歸其喪所舍輒悲號上食如禮夜寢柩側不忍暫去親舊有盡室病臥者確每旦携粥藥徧飲食之日以爲常凡遇貧乏輒傾財與之無吝色人多高其行父景先號二翁時稱長者景先

兄女妻汪勃位至樞密確弟磷女妻汪勃之子作礪位至提刑故其鄉人相傳祝氏女最貴確



子嶠字

仲容

祝

穆

宋字和甫景先三世孫幼孤與弟丙同從朱文公受業性溫行淳刻意問學下筆頃刻數百言以儒學昌其家所著有

事文類聚方輿勝覽諸書

谷

上谷  
羽音

谷

春

漢櫟陽人成帝時爲郎病死而尸不冷三年更着冠幘坐縣門上人大驚家人迎之不肯

發棺視有衣無尸畱門上三宿去之長安止橫門上人知追迎之復去之太白山立祠於山上

時來至其山

祠中止宿焉



谷永

漢字子雲建始初舉直言極諫之士永待詔公車對賢良策擢上第與婁護俱爲五侯上客長安語日子雲之筆札婁君之唇舌言其見重用也終大司農父吉爲司馬

谷

洪

三國著荊州浩筆法十卷

谷

渾

南北字元冲折節授經廉直有操行魏太武器重之

谷

袞

南北昌黎人膂力絕人彎弓三百斤勇冠一時仕慕容垂至廣武將軍

谷那律

唐魏州人淹貫羣書褚遂良稱爲九經庫貞觀中爲國子博士遷諫議大夫高宗出獵

遇雨問那律曰雨衣若爲不漏對曰以瓦爲之則不漏上因此不復出獵



郁

黎陽呂音魯相郁貢之後望出魯國今吳興有此姓

郁繼善

宋深於醫術其砭炳之妙得之鳳陽劉伯淵伯淵得之太師竇文正公故學有淵源為時

所重子孫

皆以醫仕

穆

河內羽音宋穆公之後支孫氏焉

穆

生

漢魯人楚元王交少時與穆生白生申公授詩于浮丘伯後元王王楚以生等為中大夫

敬禮之生不嗜酒每置酒常為設醴及王戊嗣

位常設後乃忘設生曰可以逝矣醴酒不設王

之意怠

矣遂去



穆商

漢著甲氣攝  
生論四卷

穆觀

南北字闔拔崇子少以文藝知名魏太武監  
國觀爲右弼出則總攝朝政入則應對左右

觀子壽壽子平國平國子熙五世襲封宜都王

壽初受拜時辭曰臣祖崇所以得致功前朝

流福于後者梁眷之忠也今眷元勲未錄而臣  
獨奕世受賞心實愧之魏主悅求眷後爵其孫

穆士儒

南北字叔賢崇玄孫爲太尉叅軍事少好學  
無所不覽求天下書逢卽寫錄所得萬餘卷

魏末爲散

騎常侍

穆顗

南北弼弟有才力以待御郎從太武征赫連  
昌勇冠一時拜司衛監又從太武攻崞山有



虎突出顙搏而獲之帝嘆曰詩云有力如虎顙  
乃過之後從征白龍以功進爵建安公後拜尚  
書出鎮

淳州

穆

寧

唐肅宗朝爲侍御史居家嚴撰家令訓諸子  
人一通貞元中稱家法者言韓穆二門韓韓

休也穆四子德性和粹世以珍味目之贊爲醕  
質爲酥員爲醍醐賞爲乳腐贊御史中丞質右  
補闕員侍御史賞監察御史質與楊憑許

孟容李鄘交善一時歆慕號楊穆許李

穆

脩

宋字伯長師陳搏傳易學祥符初第進士時  
學者從事聲律未知古文脩爲之倡尹洙兄

弟始從之學古文傳春秋學家有韓柳集丐於  
所親厚者得金鏤板售於京師有儒生數輩輒

取閱脩曰先生能讀一篇當以一帙  
爲贈自是無過問者爲文學叅軍

卜 西河羽音周禮卜人氏以

官爲氏又望出武陵河南

卜 偃 周晉人獻公時爲掌卜大夫初公使荀息伐

虢圍土陽問偃曰吾其濟乎對曰克之童謠

云丙之晨龍尾服辰均服振振取虢之旂鶉之  
賁賁天策焞焞火中成軍虢公其奔其九月十

月之交乎

如期滅之

卜 商 周字子夏衛人孔子弟子居文學科爲人篤

實退而老于西河教授門人魏文侯師事之

後世封河東公 嘗見讀史者云晉師伐秦三

豕渡河子夏曰非也已亥爾讀者問諸晉史果



然衛以子夏爲聖嘗哭子  
來明曾子以三罪責之

卜徒父

周秦之掌龜卜者也秦穆公十五年將伐晉使徒父筮之吉曰涉河侯車敗穆公疑問之

對曰乃大吉也三敗必獲晉君其卦遇蠱曰千乘三去三去之餘獲其雄狐夫狐蠱必其君也蠱之真風也其悔山也歲云秋矣我落其實而取其材所以克也實落材亡不敗何待及戰三敗晉師于韓果獲晉惠公以歸

卜式

漢河內人以田畜爲事武帝朝願輸家財助邊召拜中郎初式不願爲郎令牧羊上林歲

餘羊肥息上善之式曰治民亦猶是也惡者輒去毋令毀群上奇其言拜緱氏令後爲御史大

夫賜爵

關內侯

卜

羽

晉字子玉少好讀書精易郭璞見而嘆曰吾所弗如也奈何不免兵厄羽曰然吾大厄在

四十一位爲卿相當受禍耳不

爾者亦猛獸所害已而果然

卜。天生

南北天與弟少爲隊將十人同火屋後有一坑廣二丈餘十人共跳之皆度惟天生墜天

生乃取室中苦竹刻其端使利交橫布坑內更呼等類共跳並懼不敢天生乃復跳之往反十

餘次曾無留礙衆並嘆服以兄死節

爲孝武所眷注大明末爲戈陽太守

木

吳興商音端木賜之後因避仇改爲木又百濟八姓其一曰木氏



木華

晉字元虛作海賦文章雋麗足繼前良爲揚駿主簿

木槩

晉著戰國策春秋十二篇

沐

沐德信

南北少孤過姊家姊具鷄黍以食之卒不受後爲三府長史名播異域

伏

太原商音伏羲風姓之後子孫氏焉與任宿滇句顓臾同祖又望出高陽

伏勝

漢濟南人秦博士文帝時求能治尚書者伏生時年九十餘老不能行使晁錯往受之得

二十九篇今古

文尚書是也



伏

理

漢琅琊東武人時匡衡詩學精習理與師丹同受詩於衡官至高密王傳由是齊詩有師

伏之

學

伏湛

漢字惠公東武人伏生九世孫父理當世名儒湛少傳父業教授數百人更始時爲平原

太守時天下兵起一郡賴湛以全光武徵拜大司徒封陽都侯又奏行鄉飲酒禮自伏生以來世傳經學清靜無競故東州號爲伏不鬪十二子隆翁翁子光光子晨晨子無忌博物多識桓帝時自采古今刪註事要號伏侯註弟黯從子恭恭字叔齊湛兄子初湛弟黯字稚文以明齊詩改定章句作解說九篇恭少傳黯學光武時除劇令遷恒山太守敦修學校教授不倦



帝臨雍拜恭爲司空儒者榮之肅宗行饗禮以恭爲三老湛孫晨謙恭博愛好學尤篤女孫

爲順帝貴人無忌桓帝

時與延篤等著書東觀

伏

儼

漢字景弘琅琊人所著有前漢書糾謬

伏

暉

南北字玄曜梁武尊之爲五經博士二子挺字士標幼敏悟七歲通孝經論語及長博學

有才思任昉見之曰此子目下無雙武帝至新村挺迎謁帝見之甚悅謂之顏子除南臺說書

侍御史有通說十

卷文集二十卷

伏

適

唐著醫苑十卷



繆

蘭陵商音音穆  
秦繆公之後

繆

襲

唐著列女  
傳二卷

鞠

汝南  
宮音

鞠

常

宋字可久高密人少好學擢進士為著作郎  
與楊徽之李若拙趙蟠幾有名于時所著有

禮經二十卷

子仲謀景德二十四賢中人端

拱二年知連江大興東湖水利邑民至今德之

鞠

杲

宋吳川進士也  
上書願入黨籍

鞠

詠

宋擢進士以文受知於王化基化基參政首  
以詠薦天聖中為監察條上應變五事除天

章符

制

鞠嗣復

宋不知何許人宣和初知休寧方臘黨破縣欲逼降嗣復罵曰爾當去逆效順何爲壽我

使降自知必死不少懾賊曰我縣人也

明府宰邑有善政我不忍委之而去

麴

吳西宮音漢麴譚生閼避難居西平十一代孫嘉仕沮渠氏

麴

允

晉金城人豪族也西州語曰麴與監牢筆下數頭南開朱門北望青樓允永嘉中累官至

左僕

射

麴

珍

南北酒泉人善騎射以帳內從齊神武封安康郡王



麴 西平徵音今  
歷陽有此姓

麴崇裕 晉著郊祀  
集十卷

曲

曲環 唐陝州人喜兵法善騎射天寶中遷金吾  
大將軍德宗朝拜左僕射封晉昌郡王

曲端 宋紹興中名將善戰得士卒心  
既歿張曲端旗尤足以懾敵人

竺 東海徵音本天竺胡人  
後漢歸中國而稱竺氏

晏 漢臨淄人以  
功封凝陽侯

竺法深

晉嘗在簡文坐劉尹問道人何以游朱門法深答曰君自見其朱門耳以貧道視之如游

蓬戶

竺大年

宋字耕道奉化人性行嚴重理學淹貫家法嚴肅鄉人歸敬受業沈端憲公煥所著有禮

記訂議

等書

竺道生

宋詎鹿人年十五卽登講座嘗游東吳虎丘山豎石爲弟子講涅槃經石皆點頭

服

西平商音周內史叔服之後以王父字爲氏

服虔

漢字子慎滎陽人有雅才善著文作春秋左氏傳解行世又著漢書及賦碑誄書記連珠



九憤凡十餘篇靈帝時累九江太守 虔將注  
春秋欲參考同異聞崔列集門生講傳遂匿姓  
名爲列門入賃作食每當至講時輒竊聽戶壁  
間旣知不能踰已稍共諸生敘其短長列聞不  
測何人然素聞虔名意疑之明早往及未寐便  
呼子慎子慎虔不覺驚應遂相與友善先鄭玄  
欲注春秋尚未成時偶與服子慎遇宿舍未  
猶識服在外車上與人說已注傳意玄聽之多  
與已同玄就車與語曰吾久欲注尚未了聽君  
向言多與吾同今當盡以所注與君遂爲服氏  
之注

服

問

漢不知何所人常止莒往來海邊諸祠中有  
三仙於祠中博賭瓜顧令擔黃白瓜數十頭

今瞑目及覺乃在方丈山方丈在蓬萊山南後  
往來莒取方丈山上珍寶珠玉賣之久久一旦  
髡頭著赭衣貌更老人問之言坐取廟中物云  
後數年貌更壯好鬢髮如往日時矣讚曰問游  
祠三仙是使假寐須臾忽超千里納寶  
毀形未足多恥攀龍附鳳逍遙終始

宿

東平徵音伏羲風姓之後  
以國爲氏又望出河南

宿

石

南北朔方人祖若根魏明元賜姓宿  
氏石尚主拜駙馬都尉遷吏部尚書

叔

魯國魯桓公  
子叔弓之後

叔

弓

周魯大夫聘于晉晉侯使郊勞辭曰寡君使  
弓來繼舊好固曰女無敢爲賓敢辱郊使請



辭叔向曰子

叔子知禮哉

叔

詹

周鄭人管仲曰鄭有叔詹堵叔師叔三良爲政

叔

齊

周姓墨胎氏名致字公遠孤竹君二子其父將死遺命立叔齊叔齊讓伯夷伯夷曰父命

也遂逃去齊亦不立而逃之聞西伯善養老往歸焉及武王伐紂夷齊叩馬而諫左右欲兵之太公曰義士也扶而去之殷亡恥

食周粟俱隱首陽山遂餓而死

叔仲會

周孔門弟子進學廣業後世追封博平侯

復

復塗禎

周衛靈公近癰疽彌子瑕二人者專君之勢以蔽左右塗禎以夢諷君君曰善於是因廢

癰疽彌子瑕

而立司空徇

濮

魯國商音衛大夫食采于濮因氏焉望出東海

濮仲翁

漢宣帝微時受詩于東海仲翁

鹿

徵音趙大夫食菜五鹿因氏焉

鹿皮翁

漢淄川人少精木工岑山上有神泉人不能到也翁于泉上作轉輪閣又于山巔作祠舍

畱止其傍七十年一日下山呼宗族六十餘人上山半餓而淄水盡漂一郡後百餘年復賣藥



于市

鹿

愈

南北字永吉濟陰乘氏人好兵書陰陽釋氏之學仕魏為黃門侍郎孝莊朝遷尚書左僕

射志存謙退布衣糲食  
上加其清節賜以錢帛

玉

玉

况

漢字文伯性明敏建武中為陳畱太守以德化人遷大司徒

肅

周卿士成公肅  
之後以謚為氏

肅

詳

漢為雁門太守時初與  
郡守為銅虎符竹使符

犢

犢

牧

周齊人年七十無妻見雉朝飛雌雄相隨撫琴而歌故鼓琴有雉朝飛操

虛

亦作宓與伏同

處不齊

周字子賤魯人嘗宰單父所父事者三人見事者五人友十一人鳴琴不下堂而邑治孔

子稱之曰君子哉若人魯無君子者斯焉取斯後世追封單父侯初爲單父宰過于陽晝曰

子亦有以送僕乎陽晝曰吾少也賤不知治民之術有釣道二焉請以送子夫扱綸錯餌迎而吸之者陽鱈也其爲魚薄而不美若存若亡若食若不食者魴也其爲魚也博而厚味子賤曰



善於是未至單父冠蓋迎之者交接于道子賤  
曰車驅之車驅之夫陽晝之所謂陽鱗者至矣  
于是至單父請其耆老尊  
賢者而與之共治單父

縮

縮

高

周魏攻管而不下安陵人縮高其子爲管守  
信陵君使人謂安陵君曰君其遣高吾將仕

之以五大夫高聞之白信陵君爲人悍而自用  
也此辭反爲國禍吾已全已無違爲人臣之義  
也豈可使吾君有魏患也乃止使者之舍刎頸  
而死信陵君聞高死服縞素避舍使使謝安陵  
君曰無忌小人也困於思  
慮失言於君敢再拜釋罪

角

角若漢

漢角里先生之後

鬻

祝融之後

鬻

融

周年九十謁文王王曰嘻老矣答曰使臣捕獸逐麋已老使臣坐策國事則臣尚少因立

為師

蓼

皐陶之後封于蓼以國為氏

蓼崇業

唐太原人右羽林將軍晉陽公



目

曰

夷

周字子魚宋襄公庶兄初桓公有疾襄公為太子固請曰目夷長且仁君其立之公命子

魚子魚辭曰能以國讓仁孰大焉臣不及也且又不順遂走而退及桓公薨襄公即位使子魚

為司

馬

二沃

續

雁門羽音晉大夫狐鞠居食菜于續故謂之續焉姓苑云舜七友有續氏

續

牙

上古舜七友

續

咸

晉字孝宗上黨人性老誨敦重履道貞素好學師事京兆杜預專春秋鄭氏易教授常數

十人博覽群書高才善文論又修陳杜律明達刑書永嘉中仕為東安太守有治蹟所著有遠遊志異物志汲冢

古文釋各十卷

續

武

晉注異物志

續

豐

南北荊州人母老家貧無以充養遂不食肉詔給豐月米二斛錢一千

束

南陽羽音疎廣之後避王奔亂去足改為束

束

皙

晉字廣微元城人察孝廉舉茂才皆不就太康中旱為邑人請雨三日雨注民歌之曰束



先生通神明請天三日甘雨零我黍以育我稷以生何以酬之報束長生歷尚書郎後歸教授年四十卒市里爲之廢業門生故人爲之立碑哲博學所著五經通論發蒙記補亡詩文集數

十篇

束元喜

宋合肥人調通城簿毀淫祠正風俗攝縣令以政最聞後知秦州值歲饑賑濟有法全活

者甚衆歷官樞密都承旨引老歸年

九十猶課諸孫讀書至夜分不倦

束莊

宋知萬州州舊多火災莊乃藉美緡市材具屋通衢而瓦之築水防表火道其害始息

沃

太原羽音子姓殷王沃丁之後今吳興有此姓

決

焦漢吳人神仙傳

粟

江陵徵音漢有治粟都尉因以為氏

粟大用

宋武宣人年九歲大中祥符間以通五經應童子科入見真宗奇之特補登左郎後至南

雄太

守

督

子姓宋大夫華父督之後望出巴郡

督君謨

隋善射

淥

水名



淥圖

上古顓頊師

三覺

樂

南陽角音宋微子之後戴公生公子衍字樂父子孫以王父字爲氏

樂羊子

周遠遊就師一年來歸妻跪問故羊子曰久行懷歸無他妻乃引刀趨機曰此織生自蠶

璽成於機杼一絲而累以至於寸累寸不已遂成丈疋夫子積學當日知其所亡以就懿德若中道而歸何異斷斯機乎羊子感其言遂還終學又羊子道拾遺金其妻引義勸還之後盜劫其姑操刀自刎太守賜帛葬以禮號貞義羊子爲魏文侯伐中山三年拔之文侯示以謗書盈

復封之靈壽

子孫因家焉

樂

毅

周羊子之後自魏使燕燕昭王以爲亞卿後拜上將軍佩相國印率趙楚韓魏燕五國兵

伐齊下齊七十餘城以功封于昌國號昌國君

會昭王死惠王立惠王爲太子時常不快于毅

及卽位田單乃縱反間于王王果疑毅遂以騎

劫代毅畏誅乃降趙趙封毅于觀津號曰望諸

君惠王因騎劫敗悔失毅乃使人請毅而以書

謝之毅報書詞語甚委婉於是燕以其子樂間

襲昌國封毅往來復通燕燕

趙二國以爲客卿竟卒于趙

樂

喜

周字正卿卽司城子罕也宋人或得玉以獻子罕子罕弗受曰我以不貪爲寶爾以玉爲



寶襄王十五年宋平公築臺子罕請俟農功之畢築者謳曰邑中之黔實慰我心

樂

欬

周字子聲孔門弟子贈昌平侯

樂巨公

周宋人其族樂毅顯名于諸侯而巨公獨好黃老恬敖不仕及趙爲秦昭王滅巨公東之

齊以老子顯名齊人尊之號稱賢師趙人田叔等皆尊事焉

樂正子

周孟子弟子孟子嘗以善人信人稱之魯欲使正子爲政孟子爲之喜而不寐謂其好善

優于天下而況魯國乎其爲孟氏所稱許如此

樂

叔

漢毅之孫也高帝求毅後得叔封之樂卿曰華成君

樂

恢

漢字伯奇好經學為世名儒和帝朝尚書僕射

樂

廣

晉字彥輔清陽人善談論每以約言析理以厭人之心王戎為荊州刺史舉為秀才衛瑾

見而奇之曰此人之水鏡也見之若披雲霧而觀青天累遷侍中河南尹後至尚書令女適衛

玠有婦翁冰清女壻玉潤之語王平子胡母

彥國諸人皆以任放為達或有裸體者廣笑曰

名教中自有樂

地何為乃爾

樂

藹

南北字蔚遠幼時其舅宗慤取史傳一卷授之藹略讀具舉慤奇之仕梁為御史中丞性

公直居憲

臺稱職



樂預

南北字文介明帝時爲永世令人懷其德李于官時有一媼年可七十餘擔擲簌葉造市貨之聞預亡大泣棄溪中曰失樂令我輩孤獨老姥正應就死耳市人亦皆泣其惠化如此

樂頤之

南北字文德涅陽人仕劉宋爲京府參軍性至孝父在郢亡卽號泣徒步而往扶柩歸葬嘗得病忍而不言嚙被至碎恐母聞之哀已也吏部郎庾杲之往候之爲設食惟菜菹而已杲之不能食母出其膳杲之曰卿

過於茅季偉愧我非郭林宗

樂運

隋字承業常願處一諫官錄夏商以及諫諍事業而部之曰諫苑奏上隋文帝深嘉之

樂彥章

唐爲西臺侍郎同平章事子思晦爲鸞臺侍郎同平章事父子爲相一時榮之

樂

臺

唐汪兎谷  
子二卷

樂

產

唐撰黃佐  
秘書五卷

樂

史

宋字子正宜黃人母夢異人授五色珠而生  
史力學有文名南唐進士第一入宋復登甲

科歷兩浙巡撫使釋逋賑饑民轉都官員外郎  
出知商州後判西京所著有太平寰宇記等書  
史知陵州日獻金明池賦召爲三館編脩子  
黃目字公禮淳化初進士累官右諫議大夫知  
荆南府後知亳州卒黃目性柔簡默爲吏處劇  
亦無廢事所著有集五卷又撰學海搜奇等書  
其兄黃裳弟黃庭並進  
士及第官至太常博士



岳

山陽  
角音

岳

飛

宋字鵬舉相州湯陰人初生有禽若鵬飛鳴屋上因以名之少負氣節沈厚寡言家貧力

學尤好左氏春秋孫吳兵法未冠挽弓三百斤弩八石嘗學射于周同盡其術善左右射同死朔望必鬻衣具酒肉詣同塚奠而泣引同所贈弓發三矢乃歸父知而義之曰汝爲時用其徇國死義乎靖康初金人南侵二聖北狩飛應募誓以忠義報國用兵能以寡擊衆建炎紹興間大小百戰未嘗一敗南薰門之戰八百破五萬桂嶺之戰八千破十萬背嵬騎五百破兀朮十萬又平湖廣大盜如李成楊么等十數萬入覲上賜金絲戰袍金帶衣甲等御書于旗曰精忠

岳飛兵至朱仙鎮金人已冇捐燕以南之懼時  
秦檜主和遂詔班師一日奉金字牌十二飛東  
向再拜曰臣十年之功廢於一旦非臣不稱職  
實秦檜誤陛下也竟爲檜所殺飛官至少保遇  
害時年三十九家屬盡流嶺外朝野冤之孝宗  
卽位復其官爵以禮致葬追封鄂王謚武穆詔  
求訪其後子孫襁褓以上皆官之凡六人立廟  
於鄂號忠烈初隸畱守宗澤戰開德曹州皆有  
功澤大奇之曰爾智勇才藝古良將不能過然  
好野戰非萬全計因授以圖陣飛曰陣而後戰  
兵法之常運用之妙存乎一心澤服其言每出  
戰敵人呼爲岳爺爺而不名後諸酋聞其死皆  
酌酒賀按飛性至孝母畱河北遣人求訪迎歸  
母有痼疾藥餌必親母率水漿不入口者三日



家無姬侍吳玠素服飛願與交歡飾名姝遺之  
飛曰王上霄旰豈大將安樂時却不受玠益敬  
服帝欲爲飛營第飛辭曰敵未滅何以家爲或  
問天下何時太平飛曰文臣不愛錢武臣不惜  
死天下太平矣師每休舍課將士注坡跳壕皆  
重鎧習之卒有取民麻一縷以束芻者立斬以  
徇卒夜宿民開門願納無敢入者軍號凍死不  
折屋餓死不虜掠卒有疾躬爲調藥諸將遠戍  
遣妻問勞其家死事者哭之而育其孤或以子  
婚其女李賈自楚來歸韓世忠畱之寶痛哭願  
歸飛世忠以書來諭飛復曰均爲國家何分彼  
此世忠歎服好賢禮士覽經史雅歌投壺恂恂  
如書生每辭官必曰將士效力飛何功之有然  
忠憤激烈議論持正不挫於人卒以此得謚長

子雲年十二從征數立功飛輟隱之能以手搯  
兩鐵椎重八十斤穎昌大戰數十入敵陣中甲  
裳爲赤以功授左武大夫與父弟同遇害弟雷  
授文資死年二十三孝宗初贈安遠承宣使  
次子霖孝宗朝帥廣州道出章貢父老率子弟  
來迎垂泣曰不圖今日復見公子也 中子震  
父飛討李成駐兵黃梅詔進屯洪州以士卒經  
擾攘之後他人莫可懷輯因畱震彈壓後被檜  
禍變姓名匿大河民間子孫遂家焉至今遺有  
故宋敕命 五子霆雷雲與難霖臨陣亡震霆  
潛駐黃梅故鄉賢舊祠有曰忠臣岳震然飛死  
於高宗紹興十一年至二十五年乙亥上距辛  
酉十五載矣檜宿恨猶存惡岳州與飛同姓改  
爲純州子孫亦不敢以岳爲氏孝宗登極詔錄



其後與恩者祇原徙嶺南雲雷支裔而此派不及震霆子孫在梅地者悉宗鄂姓入今析爲十三戶鄂家云 霖子珂居彰德寧宗朝權發遣嘉興軍府兼管內勸農事有惠政嘗居郡治西北金陀坊痛其祖飛爲秦檜所害作籲天辨誣天定錄等書總名金陀粹篇悅鄉錄程史等書西河徵音卓氏趙人也秦遷之蜀卓氏聞岷山之下沃野下有蹲鴟至死不饑乃求遠遷致之臨邛卽鐵山鼓鑄富至家僮八百人

卓

田池射獵之樂擬於人君載貨殖傳

卓

茂

漢字子康宛人父祖皆至郡守茂寬仁恭愛嘗乘車行有人認其馬解與之性不好爭如

此後以儒術舉遷密令教化大行道不拾遺煌不入境有言亭長受米肉者茂曰亭長爲從汝

求乎爲汝有事屬之而受乎將平居自以恩意遺之乎民曰往遺之耳茂曰遺之何故言耶凡人所以異于禽獸者以有仁愛知相敬事也亭長數善吏歲時遺之禮也民曰苟如此律何故禁之茂笑曰律設大法禮順人情今我以禮教汝汝必無怨惡以律治汝汝何所措其手足乎光武卽位先求茂詔曰夫名冠天下當受天下重賞遂拜太傅封褒德侯長子戎大中大夫次子崇以中郎給事

黃門雲臺中人

卓

恕

三國嘗還會稽辭太傅諸葛恪恪問何日復來至恕言某日至日恪爲主人停不飲食欲以須恕賓客咸曰會稽建康相去千里道阻江湖風波難期俄而恕至一座盡驚



卓雲

唐河南人乾寧中及第作未明求衣賦駕在華州詩問善如扣鍾詩

卓立

宋字志道福清人中特科有西溪文集八十卷

卓田

宋字稼翁號西山紹興間文士也工小詞三衢買舟詞云奏賦謁金門行盡雲山無數尚

有江天一半買扁舟東去波神眼底識英雄  
閣住半空雨喚起半帆風九去青天尺五

卓彥恭

宋嘗過洞庭月下有泛舟一老翁棹其旁卓問有魚否答曰無魚有詩乃鼓枻而歌曰八  
十滄浪一老翁蘆花江上水連空世間多少乘  
除事良文月明收釣筒問其姓氏不答

偓

僇

佺

漢槐山採藥父也、好食松實、體生毛長數寸、兩目更方能飛行、逐走馬以松子遺堯、堯不

服時人受服者

皆至二三百歲

濯

見風俗通

濯

輯

上古

賢人

四質

畢

河內徵音周文王十五子公高之後、以國為氏、又望出東平太原

畢公高

周康王命畢公繼君陳釐東郊旌別淑慝克成厥終



賜其家白金五千兩 子世長以耆年掛冠與  
睢陽五老公詩云篇章捧和慙風雅眷待優隆  
向歲寒至和中以司農卿致仕年九十四曾孫  
仲偃仲衍仲游仲愈 偃字希言以清德聞官  
至朝散大夫 衍字夷仲元豐中除中書舍人  
撰中書備對二十卷 游字公叔元祐初召天  
下文學之士十三人策試翰林學士蘇軾以仲  
游爲第一蘇公又表自代云學貫經史才通世  
務文章精麗議論有餘後入黨籍 愈字將叔  
工詩元夕詩云已招明月移歌扇更擬春風試  
舞腰夜行詩云明燈數點林中見  
橫笛一聲烟外聞爲國子監丞

畢再遇

宋字德卿兗州人姿貌容美雄傑武藝絕人  
挽弓二石七斗背挽一石八斗以恩補官取

泗州定盦貽完起州皆以勇智立奇功  
累官左驍衛上將軍卒贈太師謚忠毅

漆

南昌徵音本腴瞞之國因姓漆一云漆室女之  
後或云漆雕開之後單姓漆氏世為青州北海

望

族

漆

澄

南北豫章人釣于蜀水忽得金鎖引之不絕  
俄頃盈舟既有物浮水黑色澄了無怖

漆

欽

五代仕晉領  
鎮西將軍

吉

馬翊徵音周尹吉甫之後以  
王父字為氏又望出洛陽

吉

平

漢曹操欲篡漢太醫令平與丞相  
司直范曄謀共誅操不克被誅



吉挹

晉字祖冲世篤忠孝秦符堅曰周孟威不屈於前丁彦遠縈已於後吉祖冲閉口而死何

晉氏多

忠臣耶

吉士瞻

南北夢積鹿皮從而數之得十一喜曰鹿祿也後仕梁爲直閣將軍清約家無私積

吉

勣

南北字彥霄馮翊人天監初父爲吳興原鄉令爲吏所誣當大辟勣年十五搥登聞鼓乞

代父命武帝疑其受教于人敕廷尉脇誘取實勣對終不屈撓乃宥其父後丹陽尹王志欲舉充純孝勣曰父辱子死斯道固然若當此舉是因父買名也拒之而止

吉

頊

唐武后朝擢右肅政臺中丞後拜相能抑武興唐

吉 叟

唐九老會中人官御尉卿年八十八卒

吉 中孚

唐鄱陽人大歷間與盧綸等皆以能詩名號大歷十才子官至戶部侍郎

吉 溫

唐性陰詭嘗曰若遇知己南山白額虎不難縛李林甫引用之與羅希奭相勗以虐號羅

鉗吉

綱

郅

音質商時侯國

郅

都

漢河東楊人景帝時爲中郎將敢直諫拜濟南太守都爲人勇悍公廉不發私書問遺無

所受請謁無所聽及遷中尉行法不避貴戚列侯宗室見都側目而視號曰蒼鷹



鄧

惲

漢字君章西平人舉孝廉爲上東門候光武嘗出獵夜還惲拒關不納乃回從東中門入

明日惲上書諫奏入賜布百疋貶東中門候爲尉後授皇太子韓詩侍講殿中遷長沙太守子壽字伯孝以廉能稱官至尚書令惲里有董子張者父爲人所殺及子張病危惲往視子張對惲嗚咽不能言惲曰知子痛仇不復也卽奮臂而出殺其仇取頭示病者氣遂絕惲詣縣自首合義

而釋之

鄧伯尚

漢黃叔度周子居文伯堅封武興盛孔叔爲汝南六孝廉順帝朝太守李偃選以應舉

栗

長安商音古  
栗陸氏之後

栗高漢字客卿高士

栗大用宋武宣人年九歲大中祥符間以通五經應童子科至汴京人見真宗奇之特補登仕郎

後至南雄太守

帥與率同晉尚書師曷避司馬師諱改姓帥

帥子連南北形貌魁奇膂力絕人獨任魏夫人觀三十年寂無黔黷王全裕奉詔禱南岳見子連

因賦三絕贈之興國中盛夏尸解有僧紹能於關右見之

乙平原羽音殷湯字天乙支孫以王父字爲氏元和姓纂云襄陽有此姓望出襄陽河南黎陽



乙普明

南北清河人兄弟爭田太守蘇瓊諭之曰天下難得者兄弟易求者田地普明兄弟乞出

外更思分異十

年遂還同住

悉

悉清

上古為神農師  
見古今人表

郗

山陽宮音晉大夫郗玄子食邑  
于郗因以為氏洪武正韻作隙

郗萌

晉撰春秋災  
異十五卷

郗羽

南北著春秋  
問略十卷

五勿

屈

臨海宮音楚公族芊姓之後楚武王  
子瑕食菜于屈因氏焉又望出河南

屈原

周伯庸子名平別號靈均仕楚懷王爲三閭  
大夫掌王族三姓入則圖議政事決定寃疑

出則鑒察羣下應對侯侯謀行職修王甚珍之  
同列靳尚輩妬害其能共譖而疎之乃作離騷  
冀君覺悟襄王立復用讒謫原於江南原於是  
作漁父諸篇以見志遂自沉汨羅江而死後人  
哀之以是月日爲竹筒盛米祭之漢建武中長  
沙歐回白日見之謂曰君嘗見祭甚善苦蛟龍  
所竊後有惠以楝葉塞其上乃以五綵絲縛之  
則蛟懼不食今人爲角黍本此競渡者俗祭屈



原以舟拯之取其輕利謂之飛鳧龍舟奪標  
端午以爲故事宋元祐中加封忠節靖烈公

屈

完

周楚人夫長於專對初齊桓公以諸侯之師  
伐楚管仲責以包茅不入王祭不共昭王南

征不復師進次于陘楚子使屈完如師師退次  
于召陵齊侯陳諸侯之師與完乘而觀之完曰  
君若以德綏諸侯誰敢不服君若以力楚國方  
城以爲城漢水以爲池雖衆無所用之遂及諸

侯

盟

屈處靜

漢祁陽人楚白公之後幼而悟道寄  
迹人表凡十二年一旦駕鶴而去

屈

遵

南北博學多才魏  
道武朝爲中書令

尉太原  
音鬱

尉

繚

周鬼谷弟子著  
書號尉繚子

尉

元

南北字荀仁世為豪宗仕元魏累遷尚書令  
進位司徒元謝老詔曰尉元游明根明允篤

誠希世之賢也元以八十之年宜處三老  
之重明根以七十之齡可充五更之選

尉

撥

南北代人為太學生應募擊賊有功遷郡  
守魏文成帝以其清平有惠績賜之衣服

尉

瑾

南北仕齊除吏部尚書見  
人好笑時論比之寒蟬

蔚

琅琊羽音左傳鄭大夫  
蔚翩之後一云尉姓



蔚昭敏

宋鎮定高陽關三路先鋒契丹入寇昭敏與范廷召追斬萬餘級擒生口甚衆契丹委器

甲遁

去

六月

骨

望出河南官氏志紇骨氏改為骨氏今南昌多此姓

骨儀

隋天竺胡人性剛鯁開皇初為御史帝嘉其清苦拜京兆郡丞

七曷

葛

梁國商音風俗通葛天氏之後子孫氏焉夏時葛伯嬴姓國也亦為葛氏河南官氏志賀葛氏

改爲  
葛氏

葛

由

周羗人也成王時好刻木羊賣之忽一日驕  
羊入蜀中王侯貴人追之上綏山綏山在峨  
嵋西北最高無極隨之者不復還皆得仙  
道故諺曰若得西山一眺雖不得仙亦豪

葛

玄

三國字孝先吳人初從左慈授九丹液仙經  
後得仙號葛仙翁閤阜第二十福地其修煉  
成道之所也與客對食口中飯盡成大蜂張  
口飛出復嚼成飯帝問百姓思雨乃飛符著社

遂大

雨

葛

洪

晉字稚川句容人少好學家貧躬自伐薪以  
貨紙墨夜輒寫書誦讀遂以儒學知名性寡



慾無所愛玩自居木訥不覩榮利閉門却掃未  
常交遊時或尋書問義不遠千里期於必得尤  
好神仙道術從祖玄學道得仙以其修煉秘術  
授弟子鄭隱洪復就隱學悉得其法後師事南  
海太守上黨鮑玄玄善內學逆占將來見洪甚  
重之以女妻洪洪傳玄業兼綜醫術著撰精覈  
而才章富贍晉帝咸和初司空王導召補主簿  
後選爲散騎常侍領大著作俱不就辭以年老  
欲煉丹以期遐壽聞交趾出丹砂求爲勾漏令  
帝以洪資高不許洪曰非欲爲榮以彼有丹爾  
帝乃從之洪遂携子姪俱行至廣州刺史鄧嶽  
畱不聽去洪遂止羅浮山煉丹在山七年優游  
閑養著述不輟云世儒徒知服膺周孔莫信神  
仙之事不但笑之而且謗毀其言乃著內外篇

凡一百一十六篇名抱朴子以示迷者一日忽  
與鄧嶽疏云當遠遊尋師刻期便發嶽得疏狼  
狽往別而洪坐至日中兀然若睡而卒年八十  
一嶽至遂不及見視其顏色如生肢體柔軟舉  
尸入棺惟空衣後唐有崔煒者遊南海開元寺  
有丐嫗謂煒曰吾善灸贅疣今有艾少許奉子  
煒受之莫知爲誰後  
始知爲洪妻鮑女云

葛

瓚

晉亦名仙翁彭州有葛仙山在濛陽北四十  
里乃廿四化之第五化也有崇真觀葛仙翁

瓚楊仙翁升賢於此得道梁大  
同中蒲仙翁高遠復於此上升

葛立方

唐丹徒人著  
韻語春秋



葛邲

宋字楚輔歸安人祖勝仲知湖州父立方官至待從邲舉進士累官刑部尚書紹熙中拜

左丞相以少保致仕卒謚文定邲在言路論疏皆切中時弊居相位能守法度進人才處己以不欺爲本有

文集二百卷

葛長庚

宋瓊州人母以白玉蟾名之應夢也年十二應童子科後隱于武夷山號海瓊子事陳翠

虛九年始得其道蓬頭跣足一衲弊甚喜飲酒未見其醉博洽羣書出言成章文不加點大字草書若龍蛇飛動兼善篆隸猶妙梅竹嘗自讚云千古蓬頭跣足一生服氣餐霞笑指武夷山下白雲深處吾家雷印嘗佩肘間祈禳則有異應時言休咎警醒聾俗嘗在京都遊西湖至暮

墮水舟人驚尋不見達旦則玉蟾在水上猶醺然也一日有持刀追脇者玉蟾叱之其人刀自墮而走玉蟾招之曰汝來勿驚以刀還之時稱玉蟾入水不濡逢兵不害嘉定中詔徵赴闕對御稱旨命館太一宮一日不知所往後每往來名山神異莫測詔封紫清明道真人所著有上清武夷二集行于世

## 八黠

滑

下邳商音滑伯周同姓國也爲晉所滅以國爲氏又望出京兆

滑

壽

宋字伯仁往來鄞越居虞姚間最久人皆稱之曰櫻寧生初學醫于王居中受素問難經



進請其師曰二書篇次無緒蓋錯簡多矣遂類抄手注而讀之又究十二經始終流輸交別之要所著又有續傷寒論鈔診家樞要痔瘻篇及聚諸書本草爲醫韻皆有功後學所至人爭延致以得診視決生死爲無憾壽無問貧富皆往治報不報弗較也遂知名吳楚間在淮南曰滑壽在吳曰伯仁氏在鄞越曰樓寧生云

韻

蒼韻  
之後

韻

衛

上古  
賢人

九屑

薛

河東徵音黃帝二十五子一為任姓裔孫奚仲居薛至仲虺為湯左相代為侯伯歷三代凡六

十四葉周末為楚所滅公子登仕楚懷王賜沛邑為大夫遂以國為氏又河南官氏志叱于氏

改為

薛

薛居州

周孟子謂居州善士也使之居于王所在王所者長幼卑尊皆薛居州王誰與為不善

薛

炬

秦客善相劍

薛

歐

漢功臣高祖定十八侯位次歐第十四

薛廣德

漢字長卿以魯詩教授楚二龔師事之宣帝朝薦為博士論石渠遷御史大夫元帝欲乘



樓船廣德當乘輿諫欲以頸血汙車輪上怒張  
猛曰乘船危就橋安上曰曉人不當如是邪未  
幾與于定國俱乞骸骨上賜安車駟馬黃金  
六十斤東歸沛守迎之界上人以為榮

薛

宣

漢字贛君郟人累官御史中丞數言政事便  
宜舉奏部刺史郡國二千石所貶退稱進白

黑分明出更外任皆著政

績後為丞相封高陽侯

薛

包

漢字孟嘗汝南人後母憎包逐出包悲啼戶  
外不忍去父母慙而還之及諸弟求析產包

悉取朽敗者第數破產輒復

分給之建武中徵拜侍中

薛

綜

三國字敬文竹邑人仕吳為五官郎中除交  
趾太守官至太子少傅所著詩賦論難凡數

萬言 子瑩字道言孫皓時領少傅又爲左國史與華覈等共撰三國史 綜孫兼字令長丹陽人有器宇少與紀瞻閔鴻顧榮賀循齊名號爲五雋初入洛張華見而奇之曰皆南金也後領太子少傅自祖綜至兼三世傳東宮談者美之

**薛道衡**

南北字玄卿汾陰人聘陳作人日詩云入春纔七日離家已二年南人嗤之曰是底語誰

謂此虜解作詩及云人歸落鴈後思發在花前乃喜曰名下固無虛士裴獻嘗目之曰鼎遷河朔吾謂關西孔子罕遇其人今復見薛君矣官至中書侍郎 兄溫字尼卿沉敏有器局博覽墳典尤善隸書仕周爲上黃郡守以簡惠稱道衡子收字伯褒年十二受學王通唐初爲秦



王府主簿從討王世充及平劉黑闥收爲書檄  
露布或馬上占辭該敏如素構後封爲汾陰侯  
收早卒太宗卽位語房玄齡曰收若在當以中  
書令處之收子元超九歲襲父爵嘗曰吾有三  
恨不以進士及第一也不娶王家女二也不得  
修國史三也高宗朝拜中書令收次子元敬少  
與父收族兄德音齊名世稱河東三鳳唐初爲  
天策府記室參軍又與十八學士之選後除太  
子舍人專掌文翰 道衡曾孫稷字嗣通屬文  
如良金美玉書畫皆名天下舉進士累官禮部  
郎中與從兄曜更踐兩省俱爲當世所重景龍  
末爲諫議大夫昭文館學士睿宗朝封晉國公

譚 隋學歌于秦青自謂已盡其技辭去秦餞於  
郊撫節悲歌聲振林木響遏行雲譚乃謝之

終身不  
敢言歸

薛

頤

唐滑州人善天步律歷太宗爲築臺觀九畹山號曰紫府拜頤大中大夫往居之每所上

災異與李

淳風合焉

薛仁貴

唐龍門人少貧賤以田爲業其妻曰夫有高世之才要須遇時乃發今天子自征遼東求

猛將此難得之時君盍圖功名以自顯乃往應募仁貴恃驍勇欲立奇功乃着白衣以自標顯所向披靡賊遂奔潰帝望見馳使問白衣者誰始知其名召賜金帛人馬甚衆嘆賞久之曰朕不喜得遼東喜得虎將以征高麗討賀晷破吐蕃伐突厥累官左武衛將軍封河南縣男先是



高麗九姓聚十餘萬反仁貴三箭殺三人氣懾  
乃降歌曰將軍三箭定天山將士長歌入漢關  
子訥訥子徵並羽林將軍  
暢金吾將軍三世爲大將

薛萬均

唐本燉煌人與弟萬徹等客幽州事李靖討  
吐谷渾又副侯君集討高昌皆有功貞觀中

封潞國公萬徹及萬淑萬備俱以戰功顯爲時  
名將萬淑封梁國公萬備有志行居母喪廬墓  
三年太宗詔表其  
門仕至左衛將軍

薛

振

唐饒州刺史素山產靈芝民謂  
德政所感立亭其上名曰芝亭

薛令之

唐字珍君長溪人開元初爲東宮侍講題詩  
于壁曰朝旭上團團照見先生盤盤中何所

有苜蓿長闌干後掛冠歸隱肅宗卽位思東宮舊德召之薛已逝矣嘉嘆其廉敕其鄉曰廉村

水曰

廉水

薛

珏

唐字溫如仕爲朝陵令以清白聞課第一建中初召拜中散大夫御賜金紫除司農卿

薛

逢

唐字陶臣河東人會昌中與楊收王鐸同年登進士第累遷巴州刺史人歌曰日出而耕

日入而歸吏不到門夜不掩扉有孩有童願以名垂何以字之薛孫薛兒晚年厄於宦途策羸馬赴朝值新進士綴行而出前駐曰回避新郎君逢曰莫貧相阿婆三五少年時也曾向東塗西抹來



薛

能

唐字大拙汾州人會昌六年登進士咸通中以監部攝嘉州刺史政暇多題詠著江山集造朝累遷至工部尚書能政嚴察絕私謁癖于詩日賦一章有許昌十卷行于世

薛懷讓

五代太原人勇敢善戰鬪仕漢擢安國軍節度使周封杞國公懷讓好畜馬馳及罷節鎮猶有馬百匹馳三十頭傾資以給芻粟朝夕閱視爲娛

薛

奎

宋守郡日范蜀公爲舉子一見奇之館于府第比還朝載范以行或問奎曰成都得何奇物曰蜀珍產不足道但幸得一偉人耳仁宗朝叅大政謚簡肅初奎舉進士贅謁馮魏公首篇云囊書空自負早晚達明君馮掩卷曰不知秀士所負何事讀至第三篇云千林如有喜一

氣自無私乃曰秀才所負如此公端重善紀人時范仲淹寵籍方在下位皆以公輔許之

薛

奕

宋字世顯興化縣人熙寧九年中武舉第一時同郡徐鐸亦冠文科仁宗賜以詩有一方文武魁天下萬里英雄入彀中

之句後死於國事贈防禦使

薛

據

宋字叔容平陽人性明敏有志于學弱冠名譽已彰諸老爭相延致嘗采諸子百家裨官緯紀之書輯孔子集語二十卷又撫古今輔相經畧開濟之業萃爲宅揆成鑑一編二書旣成中書舍人劉克莊秘書監謝子強見而愛之率同列進之朝略云藩垣置筆華皓不衰上可裨乙夜之覽觀次可實崇文之藏貯其爲時賢賞激如此



薛半千

宋字子中漳浦人天性孝友母病嘗藥視膳割股以進伯兄亦鑄血以調藥仲兄焚香於

頂以資冥福母病隨愈兄弟三人日侍親側雍雍愉愉鄉里咸稱其孝凡訓誨子弟必欲以半千爲

法

薛仁輔

宋官廷尉岳飛獄成仁輔不署奏牘明飛無罪秦檜怒謫饒州仁輔遂卜居樂平宅傍有

塘後人因

號曰薛塘

薛舜俞

宋字欽父同安人早工文藝登進士教授南劍州晚年問學淹貫爲文長於表啓有文集

三百

餘卷

薛季宣

宋字士龍六歲而孤伯父待制公收鞠之志尚聲聲與常兒異孝宗朝爲大理寺丞虞允

文白遣公行淮西收撫流民公持節勞來耄稚滿車下爲之表廢田相原隰以戶頒屋以丁頒

日合三千八百

餘戶除大理正

薛

洽

宋字子周永嘉人在太學所交皆名士會齋舍疫作鮑粹然疾尤篤同舍皆棄去洽獨移

臥具與俱蚤夜治藥餌謹視之三月乃愈粹然每告人日子周生我登淳熙第終通判邵武軍

折

齊大夫折文子之後

折

象

漢字伯武廣漢人通京氏易好黃老言知世將亂散父資財周施親戚自知亡日召賓客



九族飲食辭

訣年八十

折可適

宋熙寧中郭達帥鄜延見之曰真將種也

折彥質

宋可求之子崇寧中登第紹興中參知政事

列

亦作烈神農之世有列山氏子孫為列氏

列

和

晉善吹笙協律郎

桀

見姓苑

桀

溺

周葉人避世隱居孔子過葉見長沮桀溺耦而耕使子路問津焉長沮曰是魯孔丘與是

知津矣。溺曰滔滔者天下皆是也。而誰以易之？憂而不輟。

齧

齧

缺

上古堯時賢人學於王倪。許由師之。堯問于由曰：「殆哉！吸乎天下，齧缺之爲人也。聰明睿知，給數以敏其性，過人而又不以人受天，彼審乎

禁過而不知過之所由生，與之配天乎？彼且乘人而無天，方且本身而異形，方且尊知而火馳，方且爲緒使，方且爲物駭，方且四顧而物應，方且應衆宜，方且與物化而未始有恒。夫何足以配天乎？」



泄

泄

柳

周魯穆公時人公就見之柳問門而不內

渫

渫

子

上古賢人見韓子

十藥

郭

太原商音周文王季弟號叔受封于號或曰郭公因以為氏又望出華陰馮翊

郭

隗

周燕人昭王欲招賢以強燕隗曰昔有求于里馬者賣千金往馬已死五百金買其骨

怒曰何爲曰死馬尚買之況生者乎馬至矣不期年千里之馬至者三大主欲招賢先從隗始賢於隗者豈遠千里哉乃築臺置金師事之樂毅鄒衍劇辛聞風而至乃并強秦

郭

解

漢字翁伯軹人善相人者許負外孫也爲人短小精悍始以遊俠睚眦殺人後折節改行

以德報怨厚施而薄望

救人之命不矜其功

郭

躬

漢字仲叔陽翟人家世衣冠父弘習小杜律爲決曹掾斷獄無冤躬傳父業講授徒衆嘗

數百人累官至廷尉決獄多從矜恕終河南尹子孫至公者一人廷尉七人侯三人刺史侍中

二十餘人御史

至監平甚衆



郭巨

漢隆慮人家貧養母盡孝每供饌母必分與  
孫巨謂妻曰兒分母饌貧不能供子可再有  
母不可再得欲埋其子掘地三尺得黃金一釜  
上有丹書曰天賜郭巨官不得奪人不得取

郭伋

漢字細侯茂陵人建武中除潁川太守帝勞  
曰賢良太守去帝城不遠河潤九里冀京師  
皆蒙其福伋前在并州素結恩德後行部到西  
河兒童數百騎竹馬迎拜道次徵爲大中大夫  
年八十

六卒

郭

憲

漢字子橫建武中帝將自征隴憲當車拔佩  
刀斷車靽以諫帝不從及潁川盜起乃悔不

用郭子

橫之言

郭

丹

漢字少卿鄧人七歲而孤事父母孝母憐之治笈從師長安丹慨然嘆曰不乘使者車終不出關尋拜諫議大夫持節果乘高車出關永平中拜司徒家貧如洗乃下詔求其嗣長子字

拜常山

太守

郭

賀

漢字喬卿雒陽人祖堅伯父游君並修清節賀光武時尚書令曉習故事多所匡益拜荊州刺史有殊政顯宗巡狩到南陽賜以三公之服敕有部去檐帷使百姓見其容服以彰有德

郭

泰

漢字林宗介休人容貌魁偉博通墳典居家教授弟子至數千人嘗遊洛見河南尹李膺膺奇之遂與爲友行嘗遇雨中一角折時爭效之故折中一角其見慕如此及卒蔡邕爲碑曰



吾爲碑銘多矣未嘗不有慙容惟郭有道銘無愧耳游京師當還鄉里送車千乘李膺在焉衆人皆詣大槐客舍而別獨膺與林宗共載乘薄笨車上大槐坂觀者數百人引領望之眇若松喬之在霄漢每行宿逆旅輒自灑掃及明去後人至見之曰此必郭有道昨宿處也或問范滂郭林宗何如人滂曰隱不違親貞不絕俗天子不得臣諸侯不得友吾不知其他泰好品題海內士或在幼童或在里肆後皆成英彥六十餘人自著書一卷論取士之本末行遭亂亡失初以有道君子徵泰曰吾觀乾象人事天之所廢不可支也遂辭以疾

郭

淮

三國字伯濟太原陽曲人作關中都督其得民情屢有戰功淮妻王凌之妹坐凌事當并

諫父者徵攝甚急淮使戎袁亮日當發州府文武百姓勸淮舉兵淮不許至期遣妻百姓呼號者數萬淮五子叩頭流血勸淮淮不忍視乃命追之于是文武奔馳如徇身首之急既還淮與宣帝書曰五子哀母不惜其身若無其母是無五子五子若亡亦無淮也今輒追還若於法未通當受罪於王者書

至宣王乃表原之

郭

嘉

三國陽翟人少有遠量深通籌略遠於事情曹操召見論天下事曰使孤成大業者必此

人也表爲司空祭酒屢從

征伐有功及卒追謚貞侯

郭

奕

晉字泰業太原陽曲人累世舊族奕有才望歷雍州刺史尚書初奕爲野王令羊祐還洛



祐至界遣人要之郭便自往既見嘆曰羊叔子何必減郭太業復往羊許小悉還又嘆曰羊叔子去人遠矣祐既去奕送之彌旦舉數百里遂以出境免官復嘆曰羊叔子何必減顏子

郭

琦

晉字公偉晉陽人少方直善五行作天文志五行傳註穀梁京氏易百卷趙王倫篡位欲

用琦琦曰我已爲武帝吏容復爲今世吏終身隱居

郭

文

晉字文舉軹人隱大滌山中嘗有猛獸向文文視其中有橫骨乃以手探去之明旦獸置

一鹿以報王導聞其名迎至朝士觀者如堵文頽然箕踞傍若無人一日忽求去結廬臨安窮谷間及蘇峻反破餘杭而臨安獨全人以爲先見

郭

訥

晉字敬言官至太子洗馬訥嘗入洛聽伎人歌言佳石季倫問其曲郭云不知季倫笑曰

卿不識曲那得言佳訥答曰譬如

見西施何必識姓名然後知美

郭

璞

晉字景純聞喜人博學高才工詞賦時有郭公者居河東精卜筮璞從之遊得青囊中書

九卷由是洞知五行天文卜筮之術占驗甚多

撰洞林新林卜韻爾雅註數十篇又註三蒼方

言山海經楚詞詩賦數十萬言避地過江元帝

重之以爲著作郎門人趙載竊青囊書未及觀

而爲火

所焚

郭

翰

晉姿度秀美乘月夜臥庭中空中一少女冉冉而下明艷絕代曰吾織女也上帝命遊人



間尋擇佳偶仰慕清風伸此宿契一年七夕忽  
執翰手泣曰帝命有程便當永訣以七寶枕一  
枚畱贈履  
空而去

郭

翻

晉字長翔武昌人少有志操漁獵自娛居貧  
無業欲墾荒田先立表題經年無主乃暫業

之稻將熟有認之者坐推與之縣令聞而詰之  
以稻還翻翻遂不受嘗以車獵去家百餘里道  
逢病人以車送之徒步而歸士庶  
咸重之庾亮薦公車博士徵不就

郭

瑀

南北字元瑜少有拔俗之韻張天錫遣使備  
禮徵之元瑜指翔鴻示使人曰此鳥安可籠

哉其女

適劉炳

郭世雋

隋字弘文文水人家門雍睦七世同居犬豕  
司乳烏雀同巢時人以爲義感之應州縣上  
其事高祖遣平昌公宇文弼詣其家勞問侍書  
御史柳彧巡省河北表其門閭漢王諒爲并州  
總管聞而嘉嘆賜其兄  
弟二十餘人衣各一襲

郭

士

隋縣卒嘗隨巫行遇一女在路巫謂女當生  
貴子君亦當生貴子可納之後生汜字于游  
師事趙孔曜孔曜偉  
之曰此子有公侯骨

郭

震

唐字元振魏州貴鄉人以字行少有大志十  
六爲太學生家嘗送資錢四十萬會有緣服  
者叩門自言五世未葬願假以治喪元振盡舉  
與之無少吝一不質名氏十八舉進士爲通泉



剝旣遷守涼州治涼五歲善撫御夷夏畏慕而  
突厥酋烏質勒部落盛強欵塞願和元振卽牙  
帳與計事會大雷雨元振立不動至夕凍冽烏  
質勒已老數拜伏不勝寒會罷卽死其子娑葛  
以元振計殺其父謀勒兵襲擊副使解琬知之  
勸元振夜遁元振不聽堅臥營爲不疑者明日  
素服往弔道逢娑葛兵虜不意元振來遂不敢  
逼揚言迎衛進至其帳修弔贈禮哭甚哀爲留  
數十日助喪事娑葛感義更遣使獻馬五千駝  
二百牛羊十餘萬制詔元振爲金山道行軍大  
總管睿宗立召爲太僕卿將行安西酋長有齎  
面哭送者旌節下玉門關去涼州猶八百里城  
中爭具壺漿歡迎都督嗟嘆以聞  
進同中書門下三品後封代國公

○  
郭子儀

唐華州鄭人長七尺二寸以武舉異等初爲涼州都督累遷單于副都護魚朝恩素疾子

儀功因譖于帝以李光弼代子儀領朔方兵子儀一失兵無少缺望於朝廷議者謂子儀有社稷功而孽寇首鼠乃置散地非所宜帝亦悟及光弼敗邙山失河陽河東亂殺李國貞太原戕鄧景山朝廷憂二軍與賊而少年新將望輕不可用乃以子儀爲天下兵馬副元帥進封汾陽郡王子儀屯絳州時帝已不豫羣臣莫有見者子儀請曰老臣受命將死於外不見陛下目不與帝引至臥內謂曰河東事一以委卿子儀嗚咽流涕至屯誅首惡數十人永泰元年懷恩盡說吐蕃回紇黨項羗渾奴刺等三十餘萬掠涇邠矚鳳翔入醴泉奉天京師大震於是天子自



將屯宛中急召子儀屯涇陽軍纔萬人比到虜  
騎圍已合乃使李國臣高昇魏楚王陳回光朱  
元琮各當一面身自率鎧騎二千出入陣中回  
紇怪問是謂誰報曰郭令公驚曰令公存乎懷  
恩言天可汗棄天下令公卽世中國無主故我  
從以來令公存天可汗存乎報曰天子萬壽回  
紇悟曰彼欺我乎子儀使諭虜曰昔回紇涉萬  
里戡大憝助復二京我與若等休戚同之今乃  
棄舊好助叛臣一何愚也彼背主棄親於回紇  
何有回紇曰本謂公云亡不然何以至此今誠  
存我等得見乎子儀將出左右諫曰戎狄野心  
不可信子儀曰虜衆數十倍今力不敵吾將示  
以至誠左右請以騎五百從又不聽卽傳呼曰  
令公來虜皆持滿待子儀以數十騎出免胄見

其大酋曰諸君同艱難久矣何忍忘忠義而至是耶回紇捨兵下馬拜曰果吾父也子儀卽召與飲遺錦綵結歡誓好如初子儀爲上將擁兵程元振魚朝恩讒謗百端詔書一紙徵之無不卽日就道由是讒謗不行嘗遣使至田承嗣所承嗣西望拜之曰此膝不屈於人若干年矣李靈曜據汴州作亂公私物過汴者皆畱之惟子儀物不敢近遣兵衛送出境校中書令考凡二十四府庫珍貨山積家人三千人八子七壻皆爲朝廷顯官諸孫數十人每問安不能盡辨領之而已僕固懷恩李懷光渾瑊輩皆出麾下雖貴爲王公常願指役使趨走於前家人亦以僕隸視之天下以其身爲安危者殆三十年功蓋天下而主不疑位極人臣而衆不疾窮奢極



欲而人不之非年八十五而終其將佐至大官  
爲名臣者甚衆史以爲終綱目千三百六十二  
年一人而已矣德宗賜號尚父封汾陽王謚武  
忠七女八子曜盱眙賊晤曖曙映弟幼冲曖四  
子鑄釗鏐鎔一女爲憲宗后弟男七人同日拜  
官幼冲右庶子曜太子少保晞檢校工尚書晤  
至侍郎曖散騎常侍曙司農卿映太常丞子儀  
謝表云同日拜官前古未聞青紫照庭冠蓋成  
里 曜性孝友廉謹子儀出征每每畱曜治家  
少長千人皆得其所諸弟爭築池館盛其車服  
曜以儉朴自處累遷至太子賓客建中初子儀  
罷兵柄乃遍加諸子官以曜爲太子少保子儀  
薨曜遵遺命四朝所賜名馬珍玩悉皆上獻德  
宗復賜之曜乃散詔昆弟曜居喪得禮若儒家

子服禾闕寢疾或勸其茹葱薤曜竟不屬口建  
中四年三月卒贈太子太傅 曖尚昇平公主  
嘗與爭言曖曰汝倚乃父爲天子邪我父薄天  
子而不爲公主志奔車奏之上曰此非汝所知  
彼誠如是彼欲爲天子天子豈汝家所有邪慰  
諭令歸子儀聞之囚曖入待罪上曰鄙諺有云  
不痴不聾不爲家翁兒女子閨房  
之言何足聽也子儀歸杖曖數十

**郭崇韜**

唐莊宗朝爲樞密使自以爲子儀  
之後其伐蜀也過其墓號慟而去

**郭昭慶**

五代永新人世業儒父鵬南唐進士官至大  
理司直昭慶博通經史擬經作唐春秋著治

書五十篇以獻後再獻經國治民論各十餘篇  
後主悅之授著作郎時歲貢方物於宋表箋詞



章皆出

其手

郭忠恕

宋字恕先洛陽人性剛直傲恣少善屬文通九經七歲舉童子漢湘陰公辟從事與記室

董裔爭事謝去宋初與御史符昭文爭忿朝堂

貶乾州司戶秩滿遂不仕放曠岐雍陝洛間逢

人無貴賤口稱猶遇佳山水輒畱旬日或絕粒

不食盛暑暴日中無汗大寒鑿冰而浴猶善畫

有求者必怒而去意欲畫卽自爲之岐有富人

子喜畫日給淳酒待之甚厚久乃以情言且致

匹素恕先爲畫小童持線車放風鳶引線數丈

滿之富家子大怒遂絕時與役夫小民入市肆

飲食曰吾所與遊皆子類也太宗聞其名召赴

闕館于內侍省押班竇神興舍恕先長髯而美

忽盡去之神興驚問其故曰耶以效聾神興大  
怒除國子監主簿出館于太學益縱酒肆言時  
政頗有謗讟語聞次杖配流登州至齊州臨清  
謂部送吏曰我逝矣因培地爲穴度可容面俯  
窺焉而卒藁葬道左後數月故人  
欲改葬但衣衾存焉蓋尸解也

郭

琮

宋黃岩人少喪父事母極孝絕飲酒茹葷者  
三十年以祈母壽母年百有四歲耳目不衰

鄉間異之至道中詔旌其門母

無疾而逝琮哀號幾乎滅性

郭忠孝

宋事程頤受易與中庸後持憲陝西死于國  
難子雍隱于長陽縣下魚山乾道初召之力

辭授冲晦處士

號白雲先生



郭

咸

宋字建泉晉江人幼嗜學甫成童通經義屬文筆翰如流一灑立就尤精於法律善草書篆隸年十九登祥符壬戌進士累遷殿中侍御史改乾州觀察推官未幾復除殿院出爲閩憲卒于官所著有拙菴

文集四卷擇詠一卷

郭祥正

宋字功父當塗人母夢李白而生少有詩名梅堯臣一見嘆曰真太白後身也舉進士知

武岡縣以殿中丞致仕後復出通判汀州知瑞州又棄去隱於青山所居有醉吟菴蘇軾爲作像贊有詩文三

十卷號青山集

郭

熙

宋工詩山水寒林東坡詩云玉堂臥對郭熙畫發興已在青林間因摹六副驟雨圖筆法

大進

郭

振

宋字希聲工詩宿漁家云幾代生涯旁海涯  
兩三間屋蓋蘆花燈前笑說歸來夜明月隨

船送

到家

霍

太原羽音周文王第六子霍叔之  
後以國爲氏又望出河東蜀郡

霍去病

漢平陽人大將軍衛青姊子也爲人少言不  
洩有氣敢往年十八善騎射武帝朝爲嫖姚

校尉凡六出擊匈奴封狼居胥山禪於姑衍登  
臨瀚海封冠軍侯加驃騎大將軍後益封五千  
八百戶賞賜甚多討匈奴臯蘭山下苦渴以鞭  
卓地而五泉湧出渾邪王請降辟地千里上嘗



欲教之孫吳兵法對曰顧方略何如耳不必學古兵法上爲治第令視之對曰匈奴未滅何以家爲由是

上益重之

霍

光

漢字子孟去病異母弟武帝朝爲奉車都尉太子弗陵年七歲形體壯大多知上奇愛之

心欲立焉以其年穉母少猶豫久之欲以大臣輔之察羣臣唯霍光忠厚可任大事上乃使黃門畫周公輔成王朝諸侯以賜光及上病篤霍光涕泣問曰如有不諱誰當嗣者上曰君未諭前畫意邪立少子君行周公之事乃以光爲大司馬大將軍日磾爲車騎將軍司受遺詔輔少主光出入禁闥二十餘年小心謹慎未嘗有過爲人沈靜詳審每出入下殿門進止有常處卽

僕射竊識視之不夫尺寸甘露中國形麒麟閣居第一云大將軍博陸侯霍氏而不名

霍

譖

漢字叔智少明經有誣譖舅宗光於大將軍梁商者譖年十五奏記於商商高其才調卽

爲奏原光罪由是顯名永康中理出黨人范滂等滂往候之而不謝曰昔叔向不見祁奚吾何

謝焉官至

尚書僕射

霍

峻

三國字仲邈枝江人昭烈時守葭萌城張魯遣人誘之峻曰小人頭可得城不可得以功

遷梓潼太守及卒昭烈率羣僚弔祭畱宿墓上子弋爲太守璿中庶子璿好騎射弋引古義以

規諷

之



霍安國

宋建炎中知懷州以死節顯名贈延康殿學士李綱言仗義死節者在內有李若水在外

有霍

安國

郝

太原徵音殷帝乙王子周封太原郝卿因氏又望出安陵京兆

郝

廉

漢性廉潔嘗遠行於路飲輒投錢井中過姊家姊設食乃暗畱金席下而去

郝

隆

晉字仕治七夕日人皆曬衣物隆臥於庭中

善應對爲桓公南蠻叅軍三月三日會作詩不能者罰酒三升隆初以不能受罰既飲攬筆便

作一句云姬偶躍清池桓問姬偶是何物答曰蠻名魚爲姬偶桓公曰作詩何作蠻語隆曰干

里投公始得蠻府叅  
軍那得不作蠻語也

**郝處俊**

唐少好學嗜漢書嘗與高智周等各言所志  
郝曰大丈夫惟無仕仕必至宰相乃可上元

初因諫高宗觀酺遷中書令凡所規諷得大臣  
體武后忌之以操履無玷不能害與舅許圜師  
同里俱顯時鄉人田氏彭氏富於  
財江淮語曰貴如許郝富如彭田

**郝廷玉**

唐驍勇善格鬪爲李光  
弼愛將封安邊郡王

**郝守濬**

宋開寶中上命自荆南以巨艦載竹組并所  
造黃黑龍船於采石磯跨江爲浮梁王師過

之如履  
平地



尚友錄

莫鉅鹿商音河南官氏志邢莫氏改爲莫氏又望出江陵

莫珍立漢註太公陰符六卷

莫含南北魏穆帝愛其才器參軍國大謀

莫雲南北好學善射魏道武朝遷執金吾參軍國謀議

莫宣卿唐字仲節開建人大中間進士第一今縣金鏤村有莫狀元讀書及片玉亭

莫伯虛宋砥子守溫州立思濟堂後知常州有瑞梅甘露秀麥嘉禾之祥晚年退居注意佛學屏

絕世故撰修行淨上書法門華嚴經意並刊行于世又釋楞嚴圓覺經

莫

濛

宋字子濛君陳曾孫兩魁法科  
事理獄多得其情後遷直寶文閣  
部尚書使金賀正旦錫宴濛以本朝  
忌日不肯簪花聽樂金人不能奪


尚友錄卷二十終



尚友錄

卷三

吳淦三十



商友錄卷二十一

閩綏安 廖用賢 賓于編纂

楚晴川 張伯琮 鶴湄補輯

男 張坦讓 遜菴叅訂

孫 張任鄭 若虔 校正

張任郎 夢選

駱 內黃商音齊太公子駱之後以  
主父字爲氏又望出河南會稽



駱俊

三國會稽人有文武才生子統字公緒年二十試爲烏程相孫權召爲功曹後爲濡須督

數陳便宜前後書數十上所言皆善爲建忠將軍嘗值歲饑統爲減食姊問故曰士大夫糟

糠不足我何心獨飽姊助粟若干統一日散盡統娶孫權兄輔之女

駱之才

南北字旗門年十二相者曰此兒遠致陳文帝引爲將勇冠三軍

駱賓王

唐義烏人七歲能賦詩與王勃楊炯盧照隣以文章齊名海內稱四傑初爲趙王府屬嘗

使自言所能賓王不答歷武功主簿武帝時數上疏言事除臨海丞快快不得志棄官去徐敬業討亂署賓王爲府屬爲敬業傳檄天下斥武后罪后讀但嘻笑至一杯之土未乾六尺之孤

安在矍然曰誰爲之或以賓王對后曰宰相安  
得失此人有如此才而使流落不偶宰相之過  
也敬業敗賓王亡命不知所之當是之時狄仁  
傑委曲以圖大功徐敬業慷慨以申大義而賓  
王則佐敬業者也或者乃謂敬業反賓王被誅  
謬矣詩文好用數目對人謂算博士 宋之問  
嘗遊靈隱寺月夜行吟見一老僧問曰何不寐  
之問曰偶欲題此寺詩思未屬僧請吟上聯卽  
曰何不云樓觀滄海日門對潮江  
潮之問愕然有知者曰賓王也

駱

登

宋大平中爲殿中丞  
出守筠州廣脩橋梁

索

武威商音殷人七族索氏  
之後又望出汝南燉煌



索

靖

晉字幼安燉煌人父湛爲北地太守累葉宦族善草書婉若銀鈎漂若驚鸞與衛瓘齊名

仕爲尚書郎初與鄉人汜衷張彪索玠索永同詣太學馳名海內稱燉煌五龍四人並早亡惟靖累官尚書郎後爲游擊將軍與賊戰被傷而卒靖有遠識知天下將亂指洛陽宮門銅駝嘆曰會見汝在荊棘中子綝字巨秀少有逸群之量靖每曰綝廊廟之材非簡札之用州郡吏不足汚吾兒也累官至尚書

左僕射後爲劉聰所獲遇害

索

統

晉字叔徹善占夢令孤策夢立冰上與冰下語統曰媒介事也索克夢虜脫上衣統曰此

男字當生男也張邈奉使夢諸州狼啖腳統曰脚內被啖却字也必不行凡所占皆驗

索

襲

晉字偉祖燉煌人虛前好學不與常世交通或獨語獨笑長歌涕泣或請問不言累辟不

赴精于陰陽著天文地理十餘篇多所啓發卒年七十九謚元居先生

藥

望出河南

藥

崧

漢河內人天性朴忠嘗爲郎獨直臺上家貧無衾枕每食糠覈帝入臺見而嘉之詔大官

賜朝夕殮歷

官南陽太守

藥

玩

唐撰諸姓世家十卷

藥元福

宋晉陽人有膽氣善騎射晉天福中擊敗契丹以功累加至檢校太尉宋初加檢校太師



卒贈侍中元福雖老筋力不衰人言其尚堪領兵必大喜時稱驍將

鄂武昌商音晉鄂侯之後子孫以國爲氏又巴蠻七姓之一

鄂千秋漢沛人高祖定功封千秋進曰蕭何萬世功當封第一上曰進賢受上賞何功雖高得鄂

君乃益明卒

封安平侯

薄

薄

昭漢太后之弟文帝舅也

鐸

望出絳州今絳州有此姓

鐸恭漢藝文志春秋有鐸氏遺旨三篇

博望出河南廣平

博子勞漢善相馬

約見姓死

約續上古賢人見韓子

洛見姓苑本落氏去草爲洛氏

洛下閔漢巴郡人撰太初歷



十一 陌

石

武威徵音春秋公子譜石駘仲之後又望出渤海

石

奮

漢河內溫人景帝朝為九卿長子建次子慶叔季失其名皆以馴行孝謹官至二十石景

帝號奮為萬石君奮歸養于家歲時過宮門闕必下車趨見路馬必式賜食于家必稽首俯伏而食家以孝謹聞雖齊魯諸儒質行皆自以為不及石慶元鼎中拜相子孫至二千石者十

三人有姊能鼓瑟

漢武召為美人

石

崇

晉字季倫小字齊奴父苞字仲容位至司徒臨終分財與諸子獨不及崇母為言之苞

此兒雖小後能自得及爲荊州刺史使客航海致富置金谷別墅在河陽一名梓澤爲衛尉遷常侍與貴戚王愷羊琇之徒奢侈相尚愷以飴澳金崇以蠟代薪崇以椒塗壁愷以赤石脂愷春遊作紫絲步障四十里崇作錦帳五十里愷得珊瑚樹高二尺示崇崇以鐵如意擊碎之愷惋然崇曰不足悵快命左右取三四尺高者六七株愷恍然自失愛妾十數人屑沉香塵布象床上使踐之無跡賜珍珠百琲有跡者節飲食閨中戲曰爾非細骨輕軀那得百琲珍珠後孫秀索綠珠崇不與秀譖崇于趙王倫竟棄市劉璵兄弟少時王愷憎之嘗召與宿欲默加害石崇素與璵琨善聞就愷宿徑夜往愷問二劉所在愷卒迫不得諱答曰在後齋中宿崇便徑



入自牽以出同車而去語  
之曰少年何以輕就人宿

石

垣

晉字洪孫自云北海劇人居無定所不娶妻  
妾不營產業食不求美衣必粗敝或有遺其  
衣服受而施人有喪塋輒杖策而弔之路無遠  
近時有寒暑皆在其中或同日共時咸皆見焉  
又能閤中取物如畫無

差姚萇之亂莫知所終

石文德

五代連州人弱冠讀范曄漢書摘其瑕百條  
爲之辨駁先達見曰公羊墨守不能過也

楚王夫人卒文德挽歌云月沉湘浦冷花謝漢  
宮秋王與之授水部號其鄉爲儒林鄉後以抗

直坐

貶

石守信

宋浚儀人仕周爲鎮南軍節度使入宋累加中書令河南尹封魏國公卒封武威郡王謚

武烈子保興知澶州保吉鎮安軍節度使

保興子元孫仁宗時爲鄜延副都總管

石熙載

宋太宗朝拜樞密副使謚元懿子中立家富於財悉推與諸父元祐中叅大政

石亘

宋字彥名同安人嘉祐中第進士累遷司農寺幹當公事熙寧中淮浙江東饒從司農張

諤出賑所至盡發府庫置場給散又募人收養

遺棄小兒所全活以日計淮浙七十餘萬江東

三十餘萬有司劾不循常法與諤俱罷亘曰使

事有措將以施惠于民也若以法繩之敢迓罪

邪終陝西運屬嘗編漢唐名

臣奏議五十卷文集十卷



石延年

宋字曼卿永城人氣節自豪不務世事爲文  
邁勁而詩尤工中歲隱于酒其樂意相關禽  
對語生香不斷樹交花爲當世所嘆賞徠作  
三豪詩謂歐公豪于文曼卿豪于詩杜默豪于  
歌也官太子中允嘗進備邊策不報已而西方  
用兵帝思其言欲召見則已死矣死爲仙王芙  
蓉城

石介

宋字守道兗州人號徂徠先生少時與胡安  
定孫明復同讀書泰山攻苦食淡慶歷中擢  
太子中允時富韓范同時執政歐公徐靖等並  
爲諫官介遂作慶歷聖德詩所著有唐書糾謬

石景略

宋字仲謨萬石君四十二世孫祖待舉秘書  
丞死雲翼之難父深之台州司戶景略治平

中發解登進士任杭州司戶遷奉議郎贈特進  
配虞氏封華原郡夫人母劉氏封清瀛郡太夫人  
子彥初崇寧進士中奉大夫知  
衡州後景略與弟景駿退居洪亭

石

忬

宋字敏若禹勤孫弱不好弄書過目成誦元  
符登進士中博學宏詞科闕宦梁師成當事  
或勸忬一見忬愀然曰腐夫弄柄愧未能手批  
蠹根柰何因取富貴遂被排擯山谷贈詩云才  
似謫仙惟欠酒情如宋玉  
更逢秋神宗朝試館職

石

秦

宋號杏林初紫陽得道於海蟾海蟾口異日  
有爲汝脫羶解鎖者當以此授之餘皆不許  
其後紫陽三傳非人三遭禍患誓不妄傳乃作  
悟真篇行於世曰使宿有仙風道骨者讀之自



悟耳中罹鳳州太守怒坐黥竄經由邠境會天大雪紫陽與護送者俱飲酒村肆杏林適入旣揖而坐見邀同席杏林問故紫陽乃具以告之杏林與邠守有故舊之好因爲之先容紫陽遂得免紫陽德之故授以丹法云

石起宗

宋字似之晉江人乾道中鄭僑榜及第第二人先是紹興己卯雙蓮生于梁文靖讀書堂

次年梁魁天下至是生于貢院起宗第

二慶元中生于學槐亭曾從龍第一

石正行

宋眉州人後徙居江安淳熙中登進士第力學不倦尤工於書得黃庭堅筆法自號笑齋

有文曰毫芒集邑宰

趙邁榜其居曰止齋

白

南陽商音黃帝之後秦大夫白乙丙楚有白公勝楚平王太子建之子也

白

善

周春秋時楚白公勝之族爲楚將家澧陽公勝欲亂國召之善曰從子而亂其國則不義于君背子而發其私則不仁于族遂棄官治園以灌園自適

白

起

周郢人善用兵秦昭王用爲左庶長戰勝攻取凡七十餘城後封武安君

白

圭

周人也樂觀時變嘗曰人棄我取人取我與吾治生猶伊呂之治國孫吳之用兵故曰治

生祖

白圭

白孝德

唐李光弼驍將也永泰中封昌化郡王



白居易

唐字樂天其先太原人元和進士遷左拾遺  
貶江州司馬喜曰匡廬在念久矣今得青山

綠水中爲風月主人幸甚後入主客郎中遷知  
制誥晚年放意詩酒居東都疏沼種柳號醉吟  
先生居香山稱香山居士與僧如滿結社與胡  
杲吉政等九老宴集俱年八九十繪九老圖所  
吟詩文人爭傳寫雞林行賈售其國相率一篇  
一金與元稹多酬咏號元白以刑部尚書致仕  
年七十五卒贈右僕射謚曰文二妓一名小蠻  
善舞一名樊素善歌有詩曰櫻桃樊素口楊柳  
小蠻腰有白氏長慶集七十五卷子龜年一  
日於嵩山東巖遇李白曰吾與汝父皆仙矣出  
一軸素書曰讀此可辨九天禽語試之悉驗  
安名金鑾十歲寫北山移文樂天買石刻

居

易纂六帖以陶家瓶數十瓶各題門目作七層  
臺架列齋中命諸生求集事類投中倒取鈔錄  
成書故記代無次 開成二年李珣字待價爲  
江南尹三月三前一日啓留守裴度召白居易  
蕭籍李仍叔劉禹錫鄭居中裴揮崔晉李道樞  
張可續盧吉苗愔裴治裴儔楊魯談弘謩十七  
人宴于舟中簪組交映歌笑間發前水戲而後  
妓樂左筆視而右壺觴望之若仙觀者如堵良  
辰美景賞心樂事若不紀錄謂洛無人晉公首  
詩鏗然玉振居易舉酒抽毫奉韻以獻詩云金  
鈿耀桃李絲管駭鳬鷺水引春心蕩花牽醉眼  
迷舞倦紅腰礙歌連翠黛低夜歸何用燭新月  
畫樓西白傳塋龍門山四方過者  
必奠酒塚前方丈之土常成泥濘



白敏中

唐字用晦居易從弟與白行簡相繼及第樂天詩云桂折一枝先許我楊穿三葉盡驚人

咸通中拜相加中書令王起典文衡欲舉敏中第一嫌其與賀拔甚爲友密令所知喻意旣而拔甚造門左右給以他往敏中躍出見賀曰吾可以第一負素交耶遂不得首舉

白厚

宋貧士也娶富室劉純材女送烏瑤十事楚紙爲書純材大笑答以珍珠一升紫鴨千頭

又使家僮撒燭

花盈路厚大慙

易

音亦太原徵音齊大夫易牙之後卽雍巫也善知味又望出濟陽今江東多此姓

易

雄

晉字興長瀏陽人少爲縣吏念無由自達乃掛幘縣門而去後舉孝廉遷春陵令會王敦

作逆雄奮義兵討之爲魏  
又所虜抗詞不屈被害

易

重

唐字鼎臣會昌間張濱榜第二翰林再考張  
被黜升重爲第一詩云六年鴈序忍分離詔

下今朝遇已知上國風光初曉日御階恩渥暮  
春時內庭再考稱文異聖旨宣明獎意竒故里  
仙才若相問一年攀折兩重枝官至大理評事  
著文千餘篇游宦筠之上高生子文賁仕南唐  
爲雄州刺史降周孫延慶字餘慶幼聰慧長  
慈順以德行稱宋乾德中以父喪廬墓墓西北  
產紫芝一本後又產玉芝十八莖好事者繪而  
爲圖翰林徐鉉諫議薛映作詩頌以揚孝感未  
幾有詔採天下忠孝之士延慶與選以母疾不  
起太宗朝擢大理寺丞以墓母去官母平生嗜



栗乃植二栗於墓前樹長而連理蘇易簡朱台贊述褒美時稱為純孝先生

易

言

宋字應之少任俠有口材真宗朝覆水蠻寇宜州邊帥不能制募辨士往說之言應召單

騎而往酋長迎之喜待之甚恭後竟歸順休兵言書永和二字於木填之以金因廣西帥遣使入貢真宗嘉之賜以官言任氣居官不能久後元昊擾邊近臣多薦言可任上見其老不欲遣行但銓注樞府司戶叅軍嘗著排姦黨說極論崇寧人材之弊

易

充

宋字正翁分宜人唐狀元重之後幼聰敏拔群年十六七博通易書詩號三經處士教授

鄉閭遠近從學者甚

衆所著有中洲文集

易

祓

宋字彥偉長沙人工小詞奉詔鸞山溪三更郊冷翠襟袖沾飛絮寶馬趁雕輪亂紅巾香

塵滿路十千斗酒相與買春閑吳姬唱秦娥舞  
拚醉青樓暮淳熙乙巳祓爲釋褐狀元丁未湯  
璫爲省元王容爲狀元潭州有三元

坊祓官至尚書有周禮總義行世

翟

南陽徵音黃帝之後  
代居翟以地爲氏

翟

璜

周下邳人魏文侯與士大夫坐問曰寡人何  
如君也皆曰君仁君也翟璜曰君非仁君也

文侯怒問任座對曰仁君也曰子何以言之對  
曰臣聞之其君仁者其臣直向璜之言直是以  
知也文侯曰善

復召璜爲上卿



翟

公

漢下邳人文帝時爲廷尉賓客填門及罷門外可設雀羅後復用賓客欲往公大署其門

曰一死一生乃知交情一貧一富

乃知交態一貴一賤交情乃見

翟方進

漢字子威年十二而孤西至京師受經後母隨之織屨以給朝夕永始中拜相後母猶在

以儒雅緣飾吏事號

爲通明相封高陵侯

翟

牧

漢蘭陵人有子曰兄與同郡白沛同受孟子易仕爲博士由是易有翟孟白之學

翟

酺

漢字子超四世傳詩善圖緯天文歷算安帝朝詔六百石試對政事酺對第一拜尚書

翟

湯

晉字道淵南陽人漢方進之後也篤厚任素義讓廉潔饋贈一無所受值亂多寇聞湯名

德皆不敢犯庾亮臨江州聞翟湯之風束帶躡屐而詣焉亮禮甚恭湯曰使君直敬其枯木朽株耳亮稱其能言表薦之徵國子博士不赴主簿張玄曰此君臥龍不可動也終于家子莊字祖休篤守父操不交人物辟徵皆不就亦高士也莊子矯矯子法賜克世其德時稱潯陽四隱法賜南北少守家業立屋于廬山頂喪親後便不復還家不食五穀以獸皮及草爲衣雖鄉親中表莫得見焉州辟主簿舉秀才徵著作佐郎並不就後其家人至石室尋求因復遠徙違避徵聘遁跡幽深後卒于巖石之間不知年月

翟普林

南北事親以孝躬耕色養鄉里稱爲楚丘先生



翟乾祐

隋有道術以考召著名雲安一邑江流之險十有五處一日召其灘神使平之至者十四

最後至乃一女人曰泔江小民藉江流之險爲人挽負以資其生豈可平也於是命灘神悉復其險

翟光業

五代事繼母以孝聞不殖財產假官舍以居蕭然僅蔽風雨日與賓客飲酒聚書爲樂仕

後周爲

樞使

席

定安商音晉大夫藉談之祖伯儵司晉典籍因氏裔孫環避項羽名改爲席

席希秀

南北撰辨  
林三卷

席

固

南北字子堅爲襄陽耆姓  
歸魏持節爲驃騎將軍

席

豫

唐字建侯舉賢良方正開元中韓休舉以自  
代拜吏部尚書典選六年時以爲知人號席  
公帝登朝元閣賦詩群臣屬和帝  
以豫詩最工詔曰詩人冠冕也

席汝言

宋字君從元豐五年以尚書司封郎中致仕  
與文富諸公爲耆英會又與潞公程珦司馬

旦爲甲同會又與司馬公兄弟王安之王不疑  
楚王叔等爲真率會司馬公詩云七八人五百有  
餘歲同醉花前今古希走馬鬪  
雞非我事紵衣絲髮且相輝

席

益

宋紹興中爲四川制置  
薦人任縣令者十三員



郤

濟陰商音晉大夫郤文生豹  
豹生芮芮生缺又望出山陽

郤

缺

周晉大夫芮之子耨於冀其妻饁之相敬如  
賓曰季使過冀見之與之歸言諸文公曰敬

德之聚也能敬必有德德以治民君請用之文  
公用爲下軍大夫復與之冀爲采邑因以爲氏  
稱冀缺云子克克子錡世爲晉卿 克謚獻子  
魯成公二年爲魯伐齊凱旋成公賜之先路三  
命之

服

郤

穀

周行唐人晉文公蒐於被廬作三軍謀元帥  
趙衰曰穀可公曰何以知其可也衰曰穀說

禮樂而敦詩書必知御兵之道  
公乃使穀將中軍使郤溱佐之

郤 犇

周缺從子景公時爲大夫食品於襄陵與郤至郤錡並稱三郤至有才辨爲使有禮謀事

有智臨

戎有文

郤 仲信

漢博士著春秋圖緯

郤 正

三國字令先博覽墳籍弱冠能文澹於榮利著詩賦論垂百篇仕蜀爲巴西守

郤 詵

晉字廣基博學多才瑰偉倜儻不拘細行對武帝曰臣舉賢良對策第一猶桂林一枝崑

山片玉爲右丞

遷雍州刺史

柏

魏郡南音風俗通古柏皇氏之後又望出濟陰



柏

招

上古顓  
頊師

柏

同

上古帝  
嚳師

柏良器

唐字公亮魏州人父友王奐見之曰爾額文  
似臨淮王而黑子似顏平原乃薦之李光弼

年二十四更戰陣六十二德宗朝封平原郡王

圖像凌烟閣子耆有縱橫之術元和中王承

宗叛耆謁裴度曰願得天子一節徑至鎮河可

掉舌下之乃拜爲左拾遺往往仗大義動承宗承

宗請獻德棣二

州以二子入質

柏

良

唐開元中學士杜甫題其山居云山居精典  
籍文雅涉風騷又題云筆架沾窗雨書籤映

嘒嘒

伯

晉大夫荀林父之後父爲中行伯其後以王父字爲氏又云魯伯禽之後

伯

虔

周魯人孔門弟子儒行著稱後世追封沐陽侯

伯

牙

周善瑟嘗學於成連先生三年不成成連云吾師方子春在東海中能移人情乃與伯牙

俱往至蓬萊山留伯牙曰子居習之吾將迎之刺船而去旬時不返伯牙延望無人但聞海水洶湧山林杳冥愴然嘆曰先生移我情矣乃援琴而歌水仙之操曲終成連回刺船迎之以還伯牙遂爲天下妙矣與鍾子期善子期死伯牙不復鼓琴痛世無知音也

尚友錄

卷二十一 伯牙

十五



伯宗

周晉大夫好直言每朝其妻必戒之後果以直言及禍梁山崩晉侯以傳召謀之子州黎

仕楚爲大夫問鄭囚爲高

下之手子嚭爲吳太宰

麥

高要始興有此姓今望出汝南

麥鐵杖

隋保昌人驍勇有力日行五百里走及奔馬煬帝時進爲柱國轉汝南太守明習法令群

盜屏息遼東之役沒于難謫武烈子孟才果烈有父風帝以其父死節授光祿大夫武賁郎將

次仲才季才

正議大夫

帛

帛和 漢吳郡神仙傳

帛道侖 晉卽佛圖澄永嘉四年來洛陽已百餘歲矣

赤 帝嚳師赤師子之後

赤松子 上古神農時雨師也服水玉以教神農能入火自燒往往至崑崙山上常止西王母石室

中隨風雨上下炎帝少女追之亦得仙至高辛時復爲雨師今之雨師本是焉

赤斧 漢巴戎人爲碧雞祠主簿能作水傾煉丹與消食服之三十年反如童子毛髮生皆赤後

數十年上華山取禹餘糧餌賣之蒼梧湘江間累世傳見之



劇

洛陽角音齊大夫  
食采于劇因氏

劇

辛

周戰國時燕昭王卑禮厚幣以招賢者於是  
辛自趙而往相王任國政下齊之計辛之功

居多

焉

劇

孟

漢洛陽人以俠顯文帝時吳楚反周亞夫乘  
傳至河南而得孟喜曰楚舉大事而不求孟

吾知其無能為也孟常過高陵袁盎善待之

或曰孟博徒耳將軍何自屈盎曰孟雖博徒然

母死客會葬者千餘乘此亦有過人者且緩急

人所有一旦扣門不以親為解不以存亡為辭

天下所望者獨

季心劇孟爾

革 望出  
河清

革 鑑 漢著秘苑  
秘圖一卷

十二錫

狄 天水徵音周成王封  
少子於狄城因氏焉

狄 儀 周賢  
人

狄 黑 周衛人孔  
子弟子

狄仁傑 周字懷英太原人舉明經嘗赴并州法曹登  
太行山見白雲孤飛曰吾親舍在其下同府



叅軍鄭崇質母老且病當使絕域仁傑請代行  
長史蘭仁基義之曰斗南一人而已後以地官  
侍郎同平章事委曲請武后還政所薦張柬之  
姚崇等皆爲中興名臣或謂之曰天下桃李盡  
在公門公曰薦賢爲國非爲私也聖歷中詔各  
舉尚書郎一人仁傑舉其子光嗣稱職后曰昔  
祁奚內舉得人今卿是也公爲江南巡撫吳楚  
多淫祠公毀一千七百餘所獨留夏禹吳泰伯  
季札伍員四祠遷幽州都督賜紫袍金帶親製  
金字十二於袍以旌其忠中宗時封梁國公謚  
文惠 仁傑爲昌平令時有老媼泣訴虎害其  
子仁傑移文籲神未幾虎伏階下乃告於衆而  
殺之又爲彭澤令奏赦大辟三  
百餘邑人德之立望雲亭以祀

狄

青

宋字漢臣西河人風骨奇偉善騎射仁宗時西夏叛青為延州指使每戰備以銅面具敵

望之如神後宣撫廣西時儂智高守崑崙關青至賓州值上元節令大張燈首夜宴將佐次夜

宴叅軍次夜三鼓青忽稱疾蹶起如內服藥數遣左右行酒客至曉未得散忽報云三鼓已破

崑

崙

戚

東海南音衛大夫食采於戚因氏焉

戚

壽

晉著雜禮義問十卷

戚同文

宋字同文楚丘人絕意祿仕從邑人楊慤授禮記讀書累年不解帶慤常勉之仕對曰長

尚友錄

卷二十一 狄 戚 錫



者不仕同文亦不仕性好施與未嘗營居室鄉里有不循孝弟者同文必諭以善道遠近推服年七十三卒楊徽之云陶隱君號堅白先生今同文純粹直以道義自富遂與其門人追號堅素先生

戚舜臣

宋字世佐楚上人知撫州惠困窮扶善類毀淫祠郡有號大帝祀者百餘所舜臣即除之

後官虞

部郎中

錫

錫壽之後  
望出樂安

錫

光

漢西城人哀平時為交趾太守教民夷以禮義王莽篡位據郡不附光武嘉其忠節拜為

大將

軍

酈

音力新蔡徵音黃帝支  
孫食采於酈以邑爲氏

酈食其

漢高陽人商之弟爲里監門沛公麾下騎士  
適食其里中旅食其見謂曰吾聞沛公慢而  
易人多大略此真吾所願從遊騎士曰沛公不  
好儒諸客冠儒冠來者沛公輒解其冠溲溺其  
中未可以儒生說也酈生曰第言之騎士從容  
言至高陽傳舍使人召酈生酈生至入謁沛公  
方倨牀使兩女子洗足而見酈生生長揖不拜  
曰足下必欲誅無道秦不宜倨見長者於是沛  
公輒洗起攝衣延生上坐謝之問曰計將安出  
酈生曰足下兵不滿萬人欲以徑入彊秦此所



謂探虎口者也夫陳留天下之衝又多積粟臣  
善其令請得使之令下於是遣酈生行沛公引  
兵隨之遂下陳留號酈食其爲廣野君爲說客  
使諸侯後說齊下齊七十餘城及韓信破齊以  
食其爲賣已遂烹之漢封其子介爲高梁侯

酈

炎

漢字文勝有文才志氣靈帝朝辟命皆不就  
作二詩云靈芝生河洲動靜因洪波蘭榮一

何晚嚴霜悴其柯哀哉二芳草不植泰山阿又  
云抱玉乘龍驥不逢樂與和安得孔仲尼爲世  
陳四科後死獄中

酈道元

南北字善長涿郡人爲御史中尉執法濤刻  
爲時所忌遂遣爲關右大使平生好學歷覽

群書注水  
經四十卷

### 十三職

力

黃帝臣力牧  
之後出臨安

力僧護

唐江陵人父力昌死其母欲從俗薦父家貧不能悲哭不止僧護時年五歲謂其母曰何不將兒賣以易錢母乃哽咽抱兒出市賣與蜀客得錢二貫薦之母卒以憶子目盲僧護隨客之蜀已三十年繼父母俱亡每念親母痛死者數後復還江陵尋母得見以母因已目盲中甚感傷遂齋戒稽顙叩禱天地以水嗽口爲母舐其目目遂明人以爲孝感

尚友錄

卷二十一 力墨

二十



墨

梁郡宮音孤竹君之後  
本墨胎氏改爲墨氏

墨

翟

周宋人也仕宋爲大夫外陳經典內修道術  
著書十篇號爲墨子公輸子嘗爲楚王造雲

梯以攻宋墨子說楚王而罷之年八十有二乃  
嘆曰世事已可知已榮位非可長保將委流俗  
以從赤松子遊矣乃謝遣門人精思至道想像  
神仙於是夜常聞左右山間有誦書聲每臥後  
每有人以衣覆之墨子乃伺之見有一人乃起  
問之曰君豈非山嶽之靈乎願誨以道教神人  
曰子有仙骨志且好道故來相候子欲何求墨  
子曰願得長生與天地相畢耳於是神人授以  
素書朱英丸方道靈教戒五行變化凡三十五  
卷墨子拜授合作遂得其効乃撰集五行記五

卷至漢武帝時遣使者楊迺來帛加璧以聘墨子墨子不出視其顏色如五六十歲人周遊五

獄不止  
一處也

國

下邳角音鄭穆公子子國之後以王父字爲氏齊有國氏

國

淵漢字子尼幼從鄭玄學玄稱之爲國器漢末曹操辟爲司空掾典屯田事遷魏郡守

翼

晉翼侯之後

翼

奉

漢字少君治齊詩與蕭望匡衡同師宣帝朝上封事拜爲中郎子孫皆爲儒官

職

周禮職方氏之後以官爲氏見風俗通

尚友錄

卷二十一 國翼職直習

二十一



職南金

唐開元間  
人註史記

直

漢國商音楚  
人直躬之後

直不疑

漢南陽人文帝時爲郎同舍有告歸者誤持  
同舍郎金去金主意不疑不疑買金償之後

告歸者至而歸金亡金郎大慙以此稱爲  
長者景帝朝爲御史大夫以功封塞侯

十四緝

習

東陽宮音習國  
名以國爲氏

習

郁

漢爲侍中於峴山南依范蠡養魚法作魚池  
池邊有高隄種竹及長楸芙蓉綠岸菱艾覆

水山簡每臨此池未嘗不大  
醉而還曰此是我高陽池也

### 習鑿齒

晉字彥威襄陽人習郁之後博學洽聞以文章著稱桓温辟爲從事甚器遇之累遷別駕  
温覬覦非望鑿齒著晉漢春秋以裁正之凡五十四卷

### 汲

清河羽音衛太子汲之後居  
汲因以爲氏又望出濮陽

### 汲

### 黯

漢字長孺濮陽人性倨少禮不容人過景帝  
時爲太子洗馬以嚴見憚武帝時爲謁者往  
視東粵以便宜持節發倉粟賑貧民面折廷諍  
武帝憚之後出爲淮陽太守淮陽鑄僞錢吏不  
能禁黯爲太守不壞一鑪不刑一人高枕而臥  
而淮陽政清建元末入爲主爵都尉武帝問莊



助曰汲黯何如人助曰使黯立朝居官無以踰人至其輔少主守誠操堅招之不來麾之不去雖賁育不能奪之矣上曰然古有社稷之臣汲黯近之矣上嘗坐武帳不冠黯前奏事令人可其奏其見敬如此弟仁官至九卿子偃爲諸侯相

汲

固

南北孝文帝時爲兗州從事刺史李式坐事被收吏人皆送至河上時式子憲生始滿月

式大言於衆曰程嬰杵臼何如人也固曰今古豈殊遂便潛還不過徑來入城於式婦閨抱憲歸藏及捕者收憲屬有一婢產男以婢兒授之事尋泄固乃携憲逃遁遇赦始歸後高祐爲兗州刺史嘉固節

義以爲主簿

隰

姜姓齊莊公子廖封於隰  
陰爲大夫故以爲氏焉

隰斯彌

周見田成子田成子與登臺四望三向皆暢  
南望隰子家之樹蔽之田成亦不言隰子歸

使人伐之斧離數創隰子止之其相室曰何變  
之數也隰子曰古者有諺曰知淵中之魚者不  
祥夫田子將有事事大而我知之知微我必危  
矣不伐樹未有罪也知人之所不言其罪大矣  
乃不伐也

隰

朋

周齊公族爲大夫助管仲相齊嘗受命平戎  
於晉升降揖讓進退閑習管仲寢疾桓公往

問其代對曰隰朋可朋之爲人好上識而下問  
臣聞之以德予人者謂之仁以財予人者謂之



良以善勝人者未有能服者也以善養人者未  
有不服人者也於國有所不死政於家有所不  
死事必朋乎言終喟然嘆曰天之生朋以爲夷  
吾舌也其身死舌焉得生哉是歲仲朋皆卒

十五合

蓋

汝南商音又望出  
漁陽洛陽音蓋

蓋

公

漢膠西人善治黃老言曹參爲齊相遣使聘  
之既至對曰治道貴清淨而民自定參避正

堂以舍蓋公後用其言齊國大治及參入相皆  
用蓋公之道故天下歌之蓋公雖爲參師未嘗

仕以

壽終

蓋寬饒

漢字次公宣帝朝舉賢良對策高第爲司隸校尉平恩侯入第丞相衆官皆賀次公不行

許伯謂之東嚮獨坐伯自酌之次公曰毋多酌我我乃酒狂魏其侯曰次公醒而狂何必酒也

蓋

延

漢字巨卿漁陽要陽人長八尺彎弓二百斤始與吳漢歸光武拜虎牙將軍從平河北有

功累封安平侯自是拔擊攻戰皆捷增封定侯食萬戶卒圖形雲臺

蓋

勲

漢字元周燉煌人家世三千石梁鵠爲州刺史時欲殺從事蘇正和訪之于勲勲素與正

和有隙或勸勲可乘此以報勲曰乘人之危不仁乃諫鵠而止正和造謝勲不見曰吾爲梁使君謀耳非爲蘇郎也董卓廢少帝勲寓書曰賀者在門弔者在廬可不慎哉公卿以下莫不佞



卓惟勳長揖抗禮見者失色卓亦  
憚其威望不敢屈也官京兆尹

蓋

泓

南北著朱  
崖傳二卷

蓋文達

唐文達冀州人博涉群書尤明春秋三家  
太宗時與十八學士之列其宗人文懿亦以

儒學稱時號二蓋文

懿官至國子助教

十六葉

葉

南陽羽音風俗通沈尹戌生諸  
梁字子高食菜於葉因氏焉

葉子韶

晉建昌人有道術辟穀服氣嘗獨居忽有一  
白衣人言君道德臻備仙籍褒升當在人間

役使鬼神其後能立致風雨驅雷電  
救人疾疫其應如響不知所終云

葉

譚

晉字令思零陵人少負節操舉孝廉王濟謂  
譚曰君吳楚人也亡國之餘有何秀異而應

斯舉譚曰君不聞明珠大貝

獨生河海之濱乎武子默然

葉法喜

唐處州人明皇贈詩云清溪道士人不識上  
天下天鶴一隻洞門深鎖碧窗寒滴露研珠

點周易今處州有點易亭授銀青光祿大夫封  
越國公開元中八月十五夜與明皇同遊月宮  
聞月中奏樂上問曲名曰紫雲曲也上密記其  
音調歸爲霓裳羽衣曲明皇雜錄作葉靜能有  
進火龍丹二粒以止寒之說靜能唐高宗時道  
士入直翰林爲國子祭酒開元記作葉法靜有



見金闕玉扉之

說三說不同

葉法善

唐字道元撫州人隱松楊卯酉山中傳陰陽卜筮符呪之術開元八年卒年一百七歲

嘗爲其祖葉國重求刺史李邕碑文文成并求書邕不許法善乃具紙筆夜攝其魂使書書畢持以示邕邕大駭

世謂之追魂碑

葉廷珪

唐云余幼嗜書自肄業郡庠至入仕四十餘年未嘗釋卷食以飴口怠以爲枕士大夫家

有異書無不借借無不讀讀無不終篇而後止常恨無貲不能盡傳寫間作數十大冊擇其可用者手鈔之

名曰海錄

**葉賓**

宋景德二年進士知南安縣民有訴其殺牛舌者賓陽叱去陰令屠之果有告和屠牛者

賓謂之曰截牛舌者汝也訊之伏

罪官至都官員外郎南劍州通判

**葉祖洽**

宋字惇禮泰寧人熙寧三年廷試陳數千言擢進士第一簽書奉國軍判官累遷給事中

知濟汝等州加徽猷閣直學士時祖洽第一

上官均第二皆邵武人郡庠有石榴一枝視其

實爲登科之驗是

年木末雙實果驗

**葉**

**確**

宋賓從子元豐八年進士第時鄉人蔡京當國確與朱宗皆其內姻知其必敗未嘗一詣

其門後欲除確蘇州守令京約一見然後上請

確儻然掛冠以去未幾京果敗終河北提舉

尚友錄

卷二十一 葉

二十六



葉以清

宋華亭人尚氣節有古義俠風同門友胡方死無子後事悉仗以清籍遺物歸其弟妹過

客王氏以宦橐寄葉所王卒竟封還之

累辟不赴隱居蕭塘家四壁宴如也

葉

楠

宋貴池人謫鄱陽尉力請蠲租以救荒澇後為績溪令邑人歌曰前有蘇黃門後有葉令

君所著有知非集精金

訓鑒蒙童記凡八十卷

葉義問

宋紹興中知樞密院視師江淮虞允文參贊

葉

顥

宋字子昂仙遊人兄顥死節顥紹興中進士知常州或勸其獻羨餘當得美官顥曰名義

餘非重征則橫歛也以利易賞心實耻之後官至宰相識大體抑僥倖服食儉妄不改其舊

屋隘甚不益一椽先時極薄不增一畝卒謚正簡林光朝以詩哭之云傳家惟儉德無地著樓臺人以爲實錄長子元

泳姪元潏元汴元澤

葉

寅

宋字直翁邵武人少時飄蕩豪爽方士繇語之曰以子之才俊何善不可爲乃甘心里巷以辱其身耶寅感泣問過可改否曰惟狂克念作聖於是奮勵修飾登朱熹之門問學精詣言行準繩鄉人敬嘆之

葉子儀

宋候官人文章博洽有絳毫集及易玄神契行于世

葉立志

宋字仲愿確曾孫淳熙十二年第進士調南縣尉縣有死獄檄往驗視內一屍無首人皆



難之立志焚香告天夜設榻屍側夢神人曰死者之首投于溪北殺之者已逃於潮之小江矣明發急詣溪北尋之果獲移文至小江捕之見一人磨刃江側捕者詰之曰汝非南安殺人者乎其人驚怖刃墮地於是就擒一鞫卽服人稱其神改知上饒縣有蕙聲官至惠州通判子衮奉議郎通

判泉州

葉

適

宋字正則永嘉人官司業嘗薦陳傅良等時稱得人忤韓侂冑坐貶杜門著述自成一家

學者仰之如山

號水心先生

葉夢鼎

宋字鎮之寧海人咸淳中叅知政事賈似道當國動多相左遂引疾歸或以禍福告夢鼎

曰廉耻事大死生事小萬無可留之理端宗卽  
位于閩召爲少師海道梗塞不能進南向慟哭

而卒

**聶**

河東徵音衛大夫食菜于  
聶因氏焉又望出新安

**聶**

**政**

周軹人戰國時濮陽嚴仲子與韓相俠累有  
隙欲報之聞政勇敢乃奉黃金百鎰爲政母

壽政以母在不許及母死獨行仗劒刺殺俠累  
因自披面抉目而死暴尸于市購莫識其姊聞  
而往哭之曰是軹深井里聶政也妾奈何  
畏沒身之誅而沒賢弟之名遂死尸傍

**聶**

**壹**

漢雁門馬  
邑豪也



聶季寶

漢與李元禮同縣欲見元禮寶爲小家子不敢見杜周甫知寶賢不能定名以語元禮元

呼見坐置砌下牛衣上一與言卽决

曰此人當作國士後卒如元禮言

聶夷中

五代擢進士工詩其傷田家詩云三月賣新絲五月糶新穀醫得眼前瘡剝却心頭肉我

願君王心化作光明燭不照綺羅筵徧

照逃亡屋孫元憲謂其有三百篇之旨

聶崇義

宋善禮學建隆初上三禮新圖二十卷乾德初遷國子博士宋史詩話云建隆初崇義爲

學官河洛師儒也趙普常拜之郭忠恕使酒誅

其姓云近貴全爲贖攀龍卽似龔雖然三个耳

其奈不成聰崇義曰勿笑有

三耳全勝蓄二心謂忠恕也

聶冠卿 宋慶歷中爲內翰知貢舉得王珪韓絳王安石等景祐中鑄編鐘成上命馮元冠卿宋祁

修樂

書

聶

昌

宋字賁遠原名賁字遠山靖康中登政府出知絳州遇害紹興中張殊自北歸過絳驛見

壁間有血書一詩云流星一箭五心摧電掣雙眸兩臂開車馬踐時頭似粉烏鳶啄處骨如灰父兄有感空垂淚子弟無知不學哀回首臨川歸未得冥中空築望鄉臺時以爲聶之精覓作

聶致堯

宋邵陽人事親孝臨財廉周給貧困邦人德之列舉節義十事守宰以聞詔旌其廬張拭

題額



涉

涉正

晉神  
仙傳

接

接予

周齊人著書二  
篇道家者流

接昕

漢著書十篇  
見三輔決錄

捷

曹姓邾公  
子捷之後

捷子

周六國時人  
著捷子三篇

十七洽

法

扶風微音齊襄王名  
法章支孫以名爲氏

法

真

漢字高卿郿人博學通圖典爲關西大儒第  
子自遠方至者數百人太守造訪真以幅巾

見太守曰欲屈君光贊朝政可乎真曰以明府  
折節故敢相迎若欲吏我將在南山之南北山  
之北矣前後四徵真曰吾旣不能遜形遠世豈  
飲洗耳之水哉遂深自隱絕終不降屈友人郭  
正稱之曰若法真者可謂百世之師

法

正

三國字孝直郿人從漢昭烈平蜀爲太守終  
尚書令昭烈東征敗績諸葛亮嘆曰孝直若



在必能制至土東  
行不至傾危也

邾 周武王定鼎于邾居此者以  
地爲氏又望出滎陽武陵

邾 滂

唐光化中爲六合宰嘗作懷古詩五十首若  
靈巖龍津士林館龍池昌布樓等處皆有題

咏惜其政事無傳  
詩之存者載詩紀

一東

東方

濟南羽音伏羲之後帝  
出于震是爲東方因氏

東方朔

漢字曼倩平原類次人善恢諧滑稽漢武卽  
位朔上書曰臣年十二學書三冬文史足用

十五學擊劒十六學詩書誦二十二萬言十九  
學孫吳兵法戰陣之具鉦鼓之教亦誦二十二  
萬言又曰目若懸珠齒若編貝勇若孟賁捷若  
慶忌廉若鮑叔信若尾生若是可以爲天子大  
臣矣朔高自稱譽帝偉之令待詔公車旋遷金  
馬門常侍中帝降西王母朔窺之母曰此兒三  
偷吾桃昔爲太乙仙宮令擅用雷電激波揚風  
蛟龍陸行黃雀宿淵九潦丈人言於太上遂謫  
人間後乘雲龍飛去不知所之帝社賜從官  
肉大官未至朔割肉以歸有司奏帝令自責再  
拜曰受賜不待詔何無禮也拔劒自割何壯也  
割之不多何廉也歸遺細君又何仁也上笑曰  
令卿自責乃反自譽復賜酒肉嘗奏上曰侏儒  
三尺奉一囊粟錢二百四十臣九尺三寸錢粟



不能過侏儒飽欲死臣朔饑欲死上大笑賜之  
朔侍武帝問孔頴道德何勝朔曰顏淵如桂馨  
一山孔子如春風至萬物生帝乳母犯罪帝  
欲申憲求救于朔朔曰此非唇舌所爭爾必望  
濟者將去時但當屢顧帝慎勿言或可萬一冀  
耳乳母既至朔亦侍側因謂曰汝癡耳帝豈復  
憶爾乳哺時恩耶帝果淒然心動卽赦之時有  
殺上林鹿者下有司將殺之朔曰是固當死者  
三使陛下以鹿殺人一當死天下聞陛下重鹿  
賤人二當死匈奴有急以鹿觸之三當死帝默  
然赦之常用所賜錢帛娶少婦于長安中歲  
一易焉人皆笑之朔曰如朔所謂陸沉于俗避  
世于朝廷間者也朔將死謂同舍郎曰世人莫  
知朔知朔者惟大伍公帝召問大伍公答曰

諸星皆在獨不見歲星四十年帝嗟嘆久之以  
為知朔晚常慘然不樂  
星精黃帝時為風后在  
周為老聃在越為范蠡  
風俗通云方朔太白

東方虬

唐武后朝為  
左史工詩

東方顯

唐開元中含象亭  
十八學士中人

東鄉

宋大夫東鄉  
為人之後

東鄉助

唐著周易物  
象什疑一卷

東郭

姜姓齊公族  
桓公之後

尚友錄



東郭順子

周魏人修道守真田子方師事之而爲魏  
文侯師子方侍坐于文侯數稱谿工文侯  
曰谿工子之師耶子方曰非也無擇之里人也  
稱道數當故無擇稱之文侯曰然則子無師耶  
子方曰有文侯曰子師誰耶子方曰東郭順子  
也文侯曰然則在子何故未嘗稱之子方曰其  
爲人也真人貌而天虛緣而葆真清而容物物  
無道則正容以悟之使人之意自消無擇何足  
以稱之子方出文侯曰遠哉全德之君子始吾  
以聖智之言仁義之行爲至矣吾聞子方之師  
吾形解而不欲動口鉗而不欲言吾  
所學者真土梗耳夫魏真爲我累耳

東郭牙

周齊臣犯顏進諫不避死亡  
不撓富貴立爲大諫之官

東郭延年

漢太始人能行容成御婦人術

東門

姬姓魯莊公子遂字襄仲居東門因氏焉

東門京

漢善相馬

東宮

東宮得臣

周齊大夫後隱嵩山年三百歲

東陽

出東陽郡見姓苑

東陽無疑

南北為散騎侍郎撰齊諧記七卷



公士

右爵也久居是爵者子孫氏焉

公士不害

漢功臣封四代

公伯

公伯僚

周魯人孔子弟子

公西

見姓苑

公西箴

周字子尚史記作子尚魯人孔子弟子唐贈祝阿伯宋徽宗大觀四年加封徐城侯

公西赤

周字子華魯人孔子弟子少孔子四十二歲嘗侍孔子言志曰宗廟之事如會同端章甫

願爲小相焉孔子曰赤也爲之小孰能爲之大  
子貢曰齊莊而能肅志道而好禮損相兩君之  
事焉篤雅有節是公西赤之行也孔子曰二三  
子之欲學賓客之禮者于其赤也至觀其養親  
則與朋友處然恩勝禮也

唐贈郃伯宋封鉅野侯

公西輿

周字子之孔子弟子魯人唐贈重丘  
伯宋真宗太觀四年加封臨朐侯

公冶

見通志

公冶長

周字子長齊人家語云魯人名萇字子芝孔  
子弟子孔子謂長可妻也雖在累紲之中非

其罪也以其子妻之墓在城陽姑幕  
城東南五里唐贈莒伯宋封高密侯

尚友錄

卷二十一 公西公冶公祖公手

三十四



公祖

見通志

公祖句茲

周字子之魯人孔子弟子有令儀唐贈朗思伯宋真宗大中祥符二年加封卽墨侯

公羊

頓丘商音

公羊高

周子夏弟子戴宏序云子夏傳之公羊高高傳其子平平傳其子地地傳其子敢敢傳其

子壽壽至漢景帝時壽乃與弟子胡毋子都著以竹帛其後傳董仲舒以公羊顯于朝文四傳至何休爲經傳集詁其書遂大傳鄭玄曰公羊善於讖休之注引讖爲多朱子曰公羊穀梁攷事甚疎然理義却精唐貞觀間詔從祀宋追封臨淄伯

公良

見通志

公良孺

周字子正一作子幼陳人孔子去陳過蒲會公叔氏以蒲畔蒲人止孔子良孺以私車五

乘從孔子其爲人長賢有勇力謂曰吾昔從夫子遇難於匡今又遇難於此命也已吾與夫子再罹難寧我鬪死挺劍而合衆將與之戰蒲人懼謂孔子曰苟毋適衛吾出子與之盟出孔子東門孔子遂適衛

公仲

見史記

公仲連

周晉趙烈侯好音謂連曰寡人有愛可以貴之乎連曰富之則可貴之則否君曰然鄭歌



者槍石二人吾賜之田人萬晦連諾而不與烈  
侯屢問連乃稱疾不朝番吾君謂連曰君實好  
善而未知所持公仲亦有進士乎連曰未也曰  
牛畜荀欣徐越皆可連進之畜待以仁義烈侯  
追然明日欣侍以舉賢使能明日越侍以節財  
儉用察度功德所與無不充君悅乃謂連曰歌  
者之田且止以畜爲師欣爲中尉  
越爲內史賜連衣二襲遂拜爲相

### 公族

### 公族進階

漢北海人危言  
深論人服其高

### 公儀

見通志

公儀潛

周魯人砥功礪行樂道好善恬於榮利不事諸侯子思與之爲友穆公因子思而致命欲

以爲相子思曰公儀子此所以不至也君若饑渴待賢納用其謀雖蔬食飲水汲亦願在下風如以高官厚祿爲釣餌而無信用之心公儀子智若魯者可也不爾則不踰君之庭且臣不佞又不能爲君操竿下釣以傷守節之士潛竟終身不屈

公儀休

周魯人穆公相奉法循理無所變更百官自正使食祿者不與下民爭利受大者不得取

小客有遺休魚者休不受客曰聞君嗜魚遺君魚何故不受也休曰以嗜魚故不受也爲相能自給魚今受魚而免誰復給我魚者吾故不受也嘗食茹而美拔其園葵而棄之見其家織布



好而疾出其家婦燔其機云欲令農士工女安所讐其貨乎

公緒

公緒恭

漢八及中人

公沙

見通志

公沙穆

漢字公義北海膠州人桓帝時遷弘農令有螟虫食稼乃設壇請以身禱於是暴雨既霽

而螟虫自消百姓稱曰神明穆少遊太學無

資糧乃變服客傭爲吳祐賃春祐與語大驚遂

共定交于杵臼之門穆五子並有令名京師號

曰公沙五龍天下無雙次子孚字允慈嘗與荀

與共約出不得事貴勢而與當董卓時脫巾未  
百日位至司空孚鄙之後相見遂割席而坐

公玉

見通志

公玉帶

漢濟南人武帝欲作明堂未曉其制帶進明  
堂圖有殿無壁茅蓋通水上有樓帝乃命作

明堂奉于汶上如其圖

綱目書之訛非地也

公叔

姬姓衛獻公之子嘗  
字公叔其後以爲氏

公叔文子

周衛人仕爲大夫爲人廉靜時稱其不言  
不笑不取嘗薦家臣僕爲大夫同升于公

朝卒謚貞惠文子孔

子稱其可以爲文



公孟

姬姓衛公  
孟縈之後

公孟子高

周嘗問君子之禮於顓孫子莫子莫曰去  
而外厲與爾內折色勝而心自取之公孟

不知以告曾子曾子曰大哉言乎夫外厲者必  
內折色勝而心自取之者必爲人役是故君子  
德行成而容不知聞識博而  
辭不爭知慮微達而外若愚

公明

公明儀

周南武城人子張門人嘗誦周公之言曰文  
王我師也周公豈欺我哉檀弓曰子張之喪

公明儀爲志焉褚幕丹質蟻結于  
四隅殷士也疏曰公明儀尊其師

公明宣

周南武城人學于曾子三年不讀書曾子問之宣曰人子居庭親在叱咤不及于犬馬應

賓客恭儉而不懈惰居朝廷臨下而不毀傷三者宣悅之學而未能也安敢不學乎

公皙

公皙哀

周字季次家語作公皙克字季况齊人孔子弟子未嘗屈節為人臣孔子貴之曰天下無

行多為家臣仕于大夫惟季次

未嘗出唐贈鄒伯宋封北海侯

公子

春秋時外國公子之後

公子荆

周衛人仕為大夫其子居室始有曰苟合矣少

有曰苟完矣富有曰苟美矣無欲速盡美



之心孔子稱其善居室

吳季札亦以君子目之

公子夏首

周字子乘魯人孔子弟子  
唐贈元父伯宋封鉅平侯

公子肩定

周孔子弟子

公孫

高陽宮音黃  
帝大岳之後

公孫枝

周字子桑岐州人秦穆公大夫薦孟明于穆  
公遂霸西戎君子謂子桑之忠也其知人也

能舉

善也

公孫杵臼

周太原人與程嬰爲趙朔客屠岸賈誅朔  
杵臼謂嬰曰胡不死嬰曰朔婦有遺腹若

男我奉之故不死也及生男賈聞而索之杵曰  
曰立孤與死孰難嬰曰立孤難耳杵曰曰我爲  
其易者乃取他人兒匿山中使嬰謬首曰與我  
千金吾告趙氏孤處賈諸將隨嬰攻杵曰杵曰  
謬曰小人哉程嬰縱不能立孤而忍賣之乎遂  
殺杵曰及孤兒其趙氏真孤乃在程嬰處也

### 公孫龍

周字子石楚人一云衛人孔子弟子少孔子  
五十三歲齊田常欲爲亂移兵伐魯孔子欲

止其兵以存魯子石請行孔子弗許唐贈黃伯  
宋加封枝江侯戰國時亦有公孫龍著白馬  
堅白之論其爲說淺陋迂僻孔穿辨之詳矣乃  
趙人其地其時俱與此別史記注作卽莊子論  
堅白者誤



公孫與女

周孔子弟子

公孫僑

周字子產鄭大夫鑄刑書其柄國時晉楚不能加將卒語子太叔曰我死子必爲政唯有

德者能以寬服民其次莫如猛夫火烈民望而畏之故鮮死焉水懦弱民狎而翫之則多死焉故寬難孔子聞之出涕曰古之遺

愛也又嘗稱其有君子之道四

公孫丑

周齊人嘗慕管晏之功以期孟子孟子曰管仲曾西之所不爲也而子爲我願之乎因論

不動心于孟子孟子曰我

知言我善養吾浩然之氣

公孫弘

漢字季淄川人家貧牧豕海上年四十餘乃學春秋雜說武帝初舉賢良對策第一拜博

士待詔金馬門元朔中爲丞相封平津侯開東閣以延士每食止脫粟故人高賀從之弘飯以脫粟覆以布被怨曰何用故人富貴爲弘嘆曰寧逢惡賓莫逢故人俸祿皆以佐賓客家無餘貲子度爲

山陽太守

公孫瓚

漢字伯珪遼西令支人初爲郡書佐郡守劉道器之妻以女後守坐事徵詣廷尉當徙日

南瓚具饌祭其先人祝曰日南多瘴氣或恐不還與先人辭於此再拜而去道遇赦還後舉孝廉爲遼屬國長史光和中將兵繫張純於漁陽以功遷騎都尉封都亭侯兼屬國長史常乘白馬出入烏桓畏之更相告曰避白馬長史



公孫永

晉字子陽襄平人隱于平郭南山不娶妻吟詠巘間欣然自得年踰九十操尚不虧謚曰

崇虛

先生

公孫鳳

晉字上鸞上谷人隱居不仕慕容暉以安車屢徵至鄴及見暉不言亦不拜

公孫羅

唐江都人官沛王府參軍無錫丞曹憲以梁昭明文選授諸生羅與魏模李善相繼傳授

於是其學大行羅

有文選註及音義

公乘

古爵也久居是爵者子孫氏焉

公乘不仁

周魏文侯與大夫飲使不仁爲鴈政曰飲若不盡爲浮大白

公乘陽慶

漢臨淄人精於醫年七十餘無子喜淳于意教之曰陽慶有古先遺傳黃帝扁鵲之

脉書五色珍病知人死生決嫌疑定可否及藥論書甚精我家給富心愛公欲盡以我禁方悉教公於是意學之三年醫道遂精

公賓

公賓就

漢北海人校尉斬王莽首傳于宛

逢門

逢門子豹

漢著兵法見漢書

尚友錄



二冬

鍾離

姬姓卽鍾氏以伯州犂居鍾離故曰鍾離

鍾離岫

周楚人撰會稽後賢傳

鍾離意

漢字子阿山陰人舉孝廉累官至尚書交趾太守張恢坐賊籍其資物詔賜群臣意得珠

璣悉以委地明帝問故曰賊穢之寶誠不敢拜

帝嘆曰清乎尚書之言乃更賜以庫錢意爲

魯相出私錢萬三千付戶曹孔詡修孔子廟有

張伯除堂下草得玉璧七枚懷其一以六枚白

意堂下有懸甕意召問詡答曰夫子甕也背有

丹書不敢發意因發之文曰後世脩吾書黃仲

舒發吾笥鍾離意璧有七張

伯懷其一意卽問伯果服

### 鍾離牧

漢字子幹會稽人少居永興貧甚躬自墾田二十餘畝臨熟縣民有認之者牧遂與稻縣長聞之召民欲繩以法牧曰以稻而殺此民何心復留遂束裝還山陰長自往止之爲釋民罪罪民率妻子春所取稻得米六十餘斛送還牧牧閉門不納民置米道旁莫有取者牧由是名彰益

### 鍾離權

漢咸陽人生而奇異美髯俊目身長八尺餘棄世事於縣東四十里正陽洞修煉登仙

### 鍾離瑾

宋字公瑜合肥人知德化縣將嫁女市婢乃前令女遂與已女同嫁夜夢綠衣丈夫謝曰



請命於帝奉十郡  
太守世祿君子孫

龍丘

見風  
俗通

龍丘萇

漢太末人隱居山中義不降辱王莽連辟不  
至更始初任延爲會稽都尉掾吏白請萇延  
曰龍丘生躬德履義有伯夷原憲之節遣功曹  
奉謁使相望於道歲餘乃詣府拜儀曹祭酒

容城

容城子

上古  
造歷

容成

密成公

上古自稱爲黃帝之師見周穆王言補導之事煉精于玄牝其要殺神不死守生養氣髮

白返黑齒落更生

其道與老子同

四支

留丘

留丘訴

周家東海之上以勇聞于天下過神泉令飲馬其僕曰飲馬于此者馬必死且禍人訴曰

訴豈庸衆人哉第飲之第飲之必無害旣而其馬死訴大怒乃去衣拔劍而入三日夜殺二蛟一龍而出雷神隨而擊之十日十夜眇其左目

尚友錄

卷二十一 密成留丘傳里司馬

四十三



樗里

嬴姓

樗里子

周秦文惠弟伐晉趙楚有功樗里子爲右相

司馬

河內徵音程伯休父爲周司馬錫以官族因氏

司馬耕

周字子牛宋人向魋之弟也牛多言而躁問仁於孔子孔子曰仁者其言也訥爲之難言

之得無訥乎時魋作亂入於曹以叛宋宋景公使左師向巢伐之巢不能克魋奔衛巢奔魯司馬牛致其邑與珪焉而適齊魋出於衛地求夏后氏之璜與他王而奔齊陳成子使爲次卿司馬牛又致其邑而適吳自吳而反卒於魯郭門之外阮氏塋諸丘輿唐贈向伯宋加封楚丘侯

政和元年以封爵犯  
宣聖諱改封睢陽侯

司馬昌

周靳孫爲  
秦鐵官

司馬季主

漢楚人游學長安一日與弟子賣卜東市  
宋忠賈誼過之矍然曰竊觀于世久矣未

有如先生何居之卑而行之污耶季主大笑曰  
騏驎不與罷驢爲駟鳳凰不與燕雀爲群而賢  
者亦不與不肖者同列故寧處卑以避衆公等  
喁喁者也何知長者之道乎二子爽然自失

司馬遷

漢字子長太史談之子生于龍門南遊江淮  
上會稽探禹穴窺九疑浮沅湘涉汝泗講業

齊魯鄉射上鄒嶧山過梁楚以歸本初中爲太  
史李陵降匈奴武帝怒甚遷極言陵忠上疑遷



爲陵游說下腐刑乃抽石室金匱之書上紀黃帝下止獲麟作史記

司馬相如

漢字長卿成都有昇仙橋將東行題柱曰不乘駟馬車不復過此橋文帝時爲文園

令著子虛上林賦武帝讀之曰恨不得與此人同時哉時楊得意爲狗監侍上因薦之得召見奏大人賦飄飄有凌雲氣游天地間意嘗過蜀郡臨邛富人卓王孫具宴召及臨邛令酒酣令前奏琴長卿好之願以自娛時王孫有女文君新寡好琴相如以琴心挑之時相如從車騎甚都文君夜奔相如歸成都家徒四壁文君不樂俱返臨邛賣酒文君當壚相如滌器王孫耻之與童僕百人錢百萬遂爲富人相如將聘茂陵女爲妾文君乃作白頭吟以自絕相如乃感遂

止奉使至蜀太守以下郊迎縣令負弩矢先驅  
長卿爲文溫麗但構思淹滯其爲上林子虛  
賦控引天地錯綜古今忽然而睡渙然而興幾  
百日而後成故楊子雲曰廟廊之下朝廷之上  
高文典冊則用相如友人盛覽嘗問相如作賦  
相如曰合綦組以成文列錦繡而爲質一經一  
緯一商一宮此賦之迹也賦家之心包括宇  
宙總覽人物斯乃得之于內不可得而傳

### 司馬徽

三國字德操潁川陽翟人清雅善知人昭烈  
訪士於徽徽因薦諸葛孔明龐士元時龐德  
公亦善品藻稱徽爲水鏡嘗有人妄認徽豬  
者徽推與之後得豬來還徽又厚辭謝之劉表  
子琮往候徽會徽自鋤園琮左右問曰司馬君  
在不徽曰我是也左右見其醜陋罵曰死傭將



軍諸郎欲求見司馬君爾何等田奴而自稱是耶徽歸刈頭著幘出見琮左右見徽故是向老翁恐向琮道之琮起叩頭謝之徽乃謂曰卿真不可然吾甚羞之此自鋤園惟卿知之耳或謂劉表曰德操奇士也表曰世間人爲妄語此直小書生耳其智而能愚皆此類荆州破爲曹操所得操欲大用會其病卒德操知劉表性闇必害善人乃括囊不談時有以人物問者德操輒言佳婦諫曰人質所疑君宜與決而一一言佳豈所以咨君之意乎徽曰如卿所言亦復佳

司馬彪

南北字紹統不交人事博覽群籍爲秘書丞作續漢書也

司馬貞

南七字子正河內人官朝散大夫弘文館學士撰史記索隱及補三皇紀三十卷自號小

司馬以

別之

司馬承禎

唐字子微事潘師正傳辟穀導隱之術開元中再被召命以三體篆隸寫老子謚貞

一先生

盧藏用初隱終南少室二山時有意

當世人目爲隨駕隱士承禎將還山藏用指終

南曰此中大有佳趣承禎徐

曰以僕視之仕宦之捷徑也

司馬郊

唐字子都隱居華山十五年禽獸同遊目前有如家馴及卒百禽聚于庭悲鳴累日而去

司馬光

宋字君實號涑水先生陝州夏縣人池次子生七歲凜然如成人群兒戲于庭一兒毆甕

沒水中光持石破甕兒得活寶元初進士累官端明殿學士知永興軍上疏極言青苗助役之



法不便因求去判西京御史臺歸洛自是絕口  
不論事帝謂資治通鑑賢於荀悅漢紀數促使  
終篇及成加資政殿學士凡居洛陽十五年天  
下以爲真宰相田夫野老皆號爲司馬相公婦  
人孺子亦知爲君實也仁宗崩赴闕臨衛士望  
見皆以手加額所至民遮道聚觀曰無歸洛留  
相天子活百姓也光祐元年得疾時青苗免役  
將官之法猶在而西戎之議未決光嘆曰四患  
未除吾死不瞑目折簡與呂公著云光以身付  
醫以家事付愚子惟國事未有所託今以屬公  
旣而詔免朝覲許乘肩輿三日一入省光不敢  
當日不見君不可以視事詔令光子康扶入對  
乃論免役五害乞直降勅罷之諸將兵皆隸州  
縣軍政委守令通決廢提舉常平司歸之轉運

提點刑獄邊計以和戎爲便監司不用新進少年又立十科薦士法皆從之拜尚書左僕射兼門下侍郎遂罷青苗復常平法是時兩宮虛已以聽遼夏使至必問光起居勅邊吏曰中國相司馬矣毋輕生事端邊隙海內之民得離新法之苦歡若更生君子稱其有旋乾轉坤之功云光自見言行計從欲以身殉社稷賓客憫其體羸謂宜少節煩勞光曰死生命也爲之益力病革不復自覺諄諄如夢中語然皆朝廷天下事也卒贈太師溫國公謚文正京師人罷市往弔鬻衣以致奠巷哭以過車嶺南封州父老亦相率具祭都中四方皆畫像以祀飲食必祝光孝友忠信恭儉正直居處有法動作有禮兄旦年將八十奉之如嚴父保之如嬰兒自少至老語



未嘗妄自言言無過人者但平生所爲未嘗有  
不可對人言者耳誠心自然天下敬信陝洛間  
師其學化其德有不善曰君實得無知之乎於  
學無所不通惟不喜釋老曰其微言不能出吾  
書其誕吾不信也有文集八十卷他著述二十  
種五百餘卷公所居一室蕭然圖畫盈几以  
圓木爲警枕小睡則枕轉而覺乃起讀書溫  
公獨樂園文史萬餘卷晨夕披閱雖數十年皆  
新若未手觸者嘗謂兒公休曰賈豎藏貨貝吾  
輩唯此耳當極加寶惜每見爾輩輕以兩指爪  
搯起是愛書不如愛寶貝也其人可知矣光嘗  
于帝前論青苗法不可行反覆詳道其弊帝欲  
大用光王安石曰光所言盡害政之事今用光  
是與異論者立赤幟

安石稱疾乃

樞密副使光辭曰陛下所以用臣蓋察其狂直庶有補于國家若徒以祿位榮之而不取其言是以天官私非其人也臣徒以祿位自榮而不能救生民之患是盜竊名器以私其身也陛下誠能罷制置條例司追還提舉官不行青苗助役法雖不用臣臣受賜多矣

### 司空

頓丘徵音禹爲堯司空支孫氏焉

### 司空圖

唐字表聖虞鄉人咸通末進士景福中拜諫議大夫不赴避亂隱居中條山王官谷作休休亭號耐辱居士嘗預爲壙故人來者引置內賦詩對酌人或難之表聖曰我非上暫遊此中公何不廣耶出則以女家人鸞臺自隨歲時村社圖必往盡醉而歸嘗爲王重榮作碑贈絹數



千匹圖置之市門人  
得取之一日而盡

司空曙

唐大歷中  
才子中人

司城

宋以武公名司空故改  
爲司城其後因氏焉

司城貞子

周陳人仕爲大夫孔  
子過陳主於其家

司鴻

見風  
俗通

司鴻荀

上古  
著書

師宣

師宜官

周南陽人  
善隸書

師延

師延宜

周宋大夫其  
先掌學職

蔡母

見風  
俗通

蔡母

晉註  
史記

伊婁

後魏獻帝與隣第六弟為  
伊婁氏為十姓見官氏志

伊婁謙

隋贊周武伐齊觀釁知澤州  
清約得人羣戀數十里不絕



彤門

宋有彤班以其守  
彤門故以爲氏

彤門昭

漢功臣  
封芒侯

彤門申

漢尚景帝女  
南宮公主

尚友錄卷二十一

終

